

摘藻堂四庫全書薈要

史部

欽定四庫全書薈要卷七千一百四十一

史部

資治通鑑卷一百五十五 宋 司馬光 撰

胡三省 音註

梁紀十一

起重光大淵獻盡
玄默困敦凡二年

高祖武皇帝十一

中大通三年春正月辛巳上祀南郊大赦 魏尚書右

僕射鄭先護聞洛陽不守士衆逃散遂來奔

去年魏敬
宗遣鄭先

護討
東郡

丙申以先護爲征北大將軍 二月辛丑上祀明

堂魏自敬宗被囚宮室空近百日

被皮義翻近其靳翻去年十二月壬

寅爾朱兆渡河因敬宗甲寅遷晉陽是月己巳節閔帝即位始入宮

爾朱世隆鎮洛陽商

旅流通盜賊不作世隆兄弟密議以長廣王疎遠又無

人望欲更立近親

更工衡翻

儀同三司廣陵王恭羽之子也

廣陵王羽魏孝文帝之弟

好學有志度正光中領給事黃門侍郎以

元叉擅權託瘖病居龍華佛寺

好呼到翻瘖於今翻華讀曰花

無所交

通永安末有白敬宗言王陽瘖將有異志

藍記云莊帝考異曰伽

疑恭姦詐夜遣人盜掠衣物拔刀劒欲殺之恭張口以手拈舌竟乃不言莊帝信其真放令歸第今從魏書

恭懼逃於上洛山

上洛山在洛州上洛郡上洛縣界

洛州刺史執送之

魏洛州刺史繫治久之以無狀獲免

無狀者無反狀也治直之翻

關西

大行臺郎中薛孝通說爾朱天光曰廣陵王高祖猶子

禮曰兄弟之子猶子也廣陵王羽高祖之弟恭則猶子也高祖孝文廟號說式芮翻

夙有令望沈

晦不言

沈持林翻

多歷年所若奉以爲主必天人允叶天光

與世隆等謀之疑其實瘖使爾朱彥伯潛往敦諭且脅

之恭乃曰天何言哉

用論語孔子之言

世隆等大喜孝通聰之

子也

薛聰見一百四十卷齊明帝建武元年

已已長廣王至邛山南世隆

等爲之作禪文

爲於偽翻

使泰山太守遼西竇瑗執鞭獨入

守式又翻瑗於春翻

啓長廣王曰天人之望皆在廣陵願行堯舜

之事遂署禪文廣陵王奉表三讓然後即位

帝諱恭字修業廣陵

惠王羽之子也

大赦改元普泰黃門侍郎邢子才爲赦文敘敬

宗枉殺太原王榮之狀節閔帝曰永安手翦彊臣非爲

失德直以天未厭亂故逢成濟之禍耳

成濟弑高貴鄉公事見七十七

卷魏元帝景元元年

因顧左右取筆自作赦文直言門下

魏晉以來出命

皆由門下省故其發端必曰勅門下

朕以寡德運屬樂推思與億兆同茲

大慶肆眚之科一依常式

屬之欲翻樂音洛春秋莊二十二年肆大眚杜預注曰赦

有罪也易稱赦過宥罪書稱眚災肆赦傳稱肆眚圉鄭皆放赦罪人蕩滌衆故以新其心

帝閉口八

年至是乃言中外欣然以爲明主望至太平

至一作致

庚午

詔以三皇稱皇五帝稱帝三代稱王蓋遞爲冲挹

謂皇降稱

帝帝降稱王蓋遞爲謙下也

自秦以來競稱皇帝予今但稱帝亦已

褒矣加爾朱世隆儀同三司贈爾朱榮相國晉王加九

錫世隆使百官議榮配饗司直劉季明曰

杜佑通典曰後魏永安三

年高道穆奏廷尉置司直十人位在正監上不署曹事唯覆理御史檢劾事

若配世宗於時

無功

宣武帝廟號世宗

若配孝明親害其母

謂殺胡后也

若配莊帝

爲臣不終

孝武帝始改謚敬宗曰莊帝此時當稱爲懷帝

以此論之無所可配

世隆怒曰汝應死李明曰下官既爲議首依禮而言不

合聖心翦戮唯命世隆亦不之罪以榮配高祖廟庭又

爲榮立廟於首陽山

爲於僞翻

因周公舊廟而爲之以爲榮

功可比周公廟成尋爲火所焚

因周公舊廟而祀爾朱榮周公豈以奪余饗爲

嫌哉天人之心固不許也

爾朱兆以不預廢立之謀大怒欲攻世隆

世隆使爾朱彥伯往諭之乃止初敬宗使安東將軍史

仵龍平北將軍陽文義各領兵三千守太行嶺侍中源

子恭鎮河內及爾朱兆南向仵龍文義帥衆先降由是

子恭之軍望風亦潰兆遂乘勝直入洛陽

事見上卷上年仵疑古翻

行戶剛翻帥讀曰率降下江翻

至是爾朱世隆論仵龍文義之功各封

千戶侯魏主曰仵龍文義於王有功於國無勲竟不許

爾朱仲遠鎮滑臺表用其下都督爲西兗州刺史

魏收志西

兗州領沛濟陰郡

先用後表詔荅曰已能近補何勞遠聞爾朱

天光之滅万俟醜奴也

事見上卷上年万莫北翻俟渠夷翻

始獲波斯所

獻師子送洛陽

波斯獻師子見一百五十二年

及節閔帝即位詔

曰禽獸囚之則違其性命送歸本國使者以波斯道遠

不可達於路殺之而返有司劾違旨帝曰豈可以獸而

罪人遂赦之

史言節閔帝賢明而不終者制於彊臣也使疏吏翻劾戶槩翻又戶得翻

魏

鎮遠將軍清河崔祖螭等聚青州七郡之衆圍東陽

青州

領齊北海樂安勃海高陽河間樂陵七郡治東陽

旬日之間衆十餘萬刺史東

萊王貴平帥城民固守

帥音率

使太傅諮議參軍崔光伯

出城慰勞其兄光韶曰城民陵縱日久

蓋言東陽之民挾州家之勢陵

暴屬郡恣縱之日
久矣勞力到翻

衆怒甚盛非慰諭所能解家弟往必

不全貴平彊之

彊其兩翻

既出外人射殺之

射而亦翻

幽安營

并四州行臺劉靈助自謂方術可以動人又推算知爾

朱氏將衰乃起兵自稱燕王開府儀同三司大行臺聲

言爲敬宗復讎

燕因肩翻爲於僞翻

且妄述圖讖云劉氏當王

讖七

諧翻由是幽瀛滄冀之民多從之

魏熙平二年分瀛冀二州置滄州治饒安城領

浮陽樂陵安德三郡

從之者夜舉火爲號不舉火者諸村共屠之

引兵南至博陵之安國城

魏收志博陵郡安國縣有安國城北平蒲陰縣亦有安國

城故稱博陵以別之

爾朱兆遣監軍孫白鷄至冀州

監工咸翻鷄弋照翻

託

言調發民馬

調徒鈞翻

欲俟高乾兄弟送馬而收之乾等知

之與前河內太守封隆之等合謀潛部勒壯士襲據信

都殺白鷄

考異曰北史作白雞今從北齊書

執刺史元寔

寔魚力翻

乾等欲

推其父翼行州事翼曰和集鄉里我不如封皮

皮封隆之小字

也乃奉隆之行州事爲敬宗舉哀

爲於僞翻

將士皆縞素

將即

亮翻下同縞古光翻

升壇誓衆移檄州郡共討爾朱氏仍受劉靈

助節度隆之磨奴之族孫也

封磨奴見一百一十九卷宋高祖永初元年

殷

州刺史爾朱羽生將五千人襲信都高敖曹不暇擐甲

將十餘騎馳

擐音官騎奇計翻

擊之乾在城中繩下五百人追

救未及敖曹已交兵羽生敗走敖曹馬稍絕世

稍色角翻

左

右無不一當百時人比之項籍高歡屯壺關大王山

魏收

地形志上黨郡屯留縣有鳳凰山一名大王山按魏太平眞君九年二月詔於壺關東北大王山累石爲三封又斬其北鳳凰山南足以斷之以其有王氣也後高歡果屯兵於其地六旬乃引兵東出

聲言討信都信都人皆懼高乾曰吾聞高晉州雄略蓋

世爾朱榮用歡爲晉州刺史故稱之其志不居人下且爾朱無道弑君

虐民正是英雄立功之會今日之來必有深謀吾當輕

馬迎之密參意旨

參候也

諸君勿懼也乃將十餘騎與封

隆之子子繪潛謁歡於淦口說歡曰爾朱酷逆痛結人

神凡曰有知孰不思奮明公威德素著天下傾心若兵

以義立則屈彊之徒不足爲明公敵矣

屈與偃同其勿翻彊其兩翻屈

彊之徒指爾朱氏之黨也

鄆州雖小戶口不下十萬穀秭之稅足濟

軍資

秭工八翻藁也

願公熟思其計乾辭氣慷慨歡大悅與之

同帳寢初河南太守趙郡李顯甫喜豪俠

喜許既翻

集諸李

數千家於殷州西山方五六十里居之

殷州西山廣阿之西山也

顯

甫卒子元忠繼之家素富多出貸求利元忠悉焚券免

責鄉人甚敬之

契約也即古所謂券也免責不責其償也

時盜賊蠭起清河

有五百人西戍還經趙郡以路梗共投元忠

梗塞也

元忠

遣奴爲導曰若逢賊但道李元忠遣如言賊皆舍避

舍讀

曰捨及葛榮起元忠帥宗黨作壘以自保

帥讀曰率

坐大櫨樹

下櫨胡谷翻

前後斬違命者凡三百人賊至元忠輒擊却之

葛榮曰我自中山至此連爲趙李所破

李氏趙郡之大家姓時號爲趙李

何以能成大事乃悉衆攻圍執元忠以隨軍賊平就拜

南趙郡太守

此言爾朱榮平葛榮時事魏太和十一年分趙郡之平鄉柏人中丘鉅鹿之南蠻

鉅鹿廣阿爲南鉅鹿郡後改爲南趙郡屬殷州

好酒無政蹟

好呼到翻

及爾朱兆弑

敬宗元忠棄官歸謀舉兵討之會高歡東出元忠乘露

車載素箏濁酒以奉迎歡聞其酒客未即見之元忠下

車獨坐酌酒擘脯食之謂門者曰本言公招延雋傑今

聞國士到門不吐哺輟洗其人可知

以周公漢祖之事責歡也洗先典翻

還吾刺勿通也門者以告歡遽見之引入觴再行元忠

車上取箏鼓之長歌慷慨歌闕

闕苦穴翻
歌終也

謂歡曰天下

形勢可見明公猶事爾朱邪歡曰富貴皆因彼所致安

敢不盡節元忠曰非英雄也高乾邕兄弟來未

高乾字
乾邕

時乾已見歡歡給之曰從叔輩麤何肯來

歡與乾兄弟
同出於勃海

故稱從叔給徒
亥翻從才用翻

元忠曰雖麤竝解事

解胡買
翻曉也

歡曰趙郡

醉矣使人扶出元忠不肯起孫騰進曰此君天遣來不

可違也歡乃復留與語

復扶
又翻

元忠慷慨流涕歡亦悲不

自勝

勝音
升

元忠因進策曰殷州小無糧仗不足以濟大

事若向冀州高乾邕兄弟必爲明公主人

魏冀州治信都高乾邕兄

弟據之故云然

殷州便以賜委冀殷既合滄瀛幽定自然弭服

唯劉誕黠胡或當乖拒

劉誕亦契胡種也時爲相州刺史鎮鄴黠下八翻

然非

明公之敵歡急握元忠手而謝焉歡至山東約勒士卒

絲毫之物不聽侵犯每過來地歡輒步牽馬遠近聞之

皆稱高儀同將兵整肅益歸心焉

爾朱氏加歡儀同三司故當時以稱之史

言高歡能收衆心以傾爾朱將即亮翻

歡求糧於相州刺史劉誕誕不與

相息亮翻

有車營租米

車營北齊紀作軍營

歡掠取之進至信都封隆

之高乾等開門納之高敖曹時在外略地聞之以乾爲

婦人遺以布裙

裙渠云翻婦人下裳也遺於季翻

歡使世子澄以子孫

禮見之敖曹乃與俱來

敖曹以歡叙羣從子侄之禮乃來孰謂其麤也

癸酉

魏封長廣王曄爲東海王以青州刺史魯郡王肅爲太

師淮陽王欣爲太傅爾朱世隆爲太保長孫稚爲太尉

趙郡王諶爲司空

諶氏士翻

徐州刺史爾朱仲遠雍州刺史

爾朱天光竝爲大將軍并州刺史爾朱兆爲天柱大將

軍賜高歡爵渤海王徵使入朝

高歡之先本渤海人爾朱氏爵之爲本郡王欲

以誘致之
朝直遙翻

長孫稚固辭太尉

世衰難佐故辭

乃以爲驃騎大將

軍開府儀同三司

驃匹妙翻騎奇計翻

爾朱兆辭天柱曰此叔父

所終之官我何敢受固辭不拜尋加都督十州諸軍事

十州南盡汾晉北極雲朔

世襲并州刺史高歡辭不就徵爾朱仲遠

徙鎮大梁復加兗州刺史

大梁兗州統內故加兗州復扶又翻下無復不復同

爾

朱世隆之初爲僕射也

大通二年魏爾朱榮入洛以世隆爲尚書僕射

畏爾朱

榮之威嚴深自刻厲留心几案

案亦几屬應文書皆陳於几案而省覽之留心

几案謂留心於尚書省文書也又案據也凡官文書留以爲據者亦謂之案

應接賓客有開

敏之名及榮死無所顧憚爲尚書令家居視事坐符臺省事無大小不先白世隆有司不敢行使尚書郎宋遊道邢昕在其聽事東西別坐受納辭訟稱命施行

稱命者稱

世隆之命也昕許斤翻聽讀曰廳

公爲貪淫生殺自恣又欲收軍士之

意汎加階級皆爲將軍無復員限自是勲賞之官大致猥濫人不復貴

猥雜也

是時天光專制關右兆奄有并汾

仲遠擅命徐究世隆居中用事競爲貪暴而仲遠尤甚所部富室大族多誣以謀反籍沒其婦女財物入私家

私家謂仲遠私家也

投其男子於河如是者不可勝數

勝音升

自榮

陽已東租稅悉入其軍不送洛陽東南州郡自牧守以

下至士民畏仲遠如豺狼由是四方之人皆惡爾朱氏

而憚其彊莫敢違也

爲爾朱氏敗張本守式又翻惡烏路翻

已丑魏以

涇州刺史賀拔岳爲岐州刺史渭州刺史侯莫陳悅爲

秦州刺史竝加儀同三司

涇渭荒殘而秦岐差完故以內遷爲進律

魏使

大都督侯淵驃騎大將軍代人叱列延慶討劉靈助至

固城

叱列虜複姓固城當在中山城東北安國城西南

淵畏其衆欲引兵西入

據關拒險以待其變延慶曰靈助庸人假妖術以惑衆

妖於
驕翻

大兵一臨彼皆恃其符厭

厭一協翻謂劉靈助書爲符勅以厭勝也

豈

肯戮力致死與吾兵爭勝負哉不如出營城外詐言西
歸靈助聞之必自寬縱然後潛軍擊之往則成擒矣淵
從之出頓城西聲云欲還丙申簡精騎一千夜發直抵
靈助壘靈助戰敗斬之傳首洛陽初靈助起兵自占勝
負曰三月之末我必入定州爾朱氏不久當滅及靈助
首函入定州果以是月之末

史言用兵不可徒
信占驗而無方略

夏四

月乙巳昭明太子統率太子自加元服

天監十四年太子加元服

上

即使省錄朝政

省悉景翻朝直遙翻

百司進事填委於前太子辯

析詐謬秋毫必睹但令改正不加案劾

劾戶槩翻又戶得翻

平斷

灋獄多所全宥寬和容衆喜愠不形於色好讀書屬文

斷丁亂翻好呼

報翻屬之欲翻引接才俊賞愛無倦出宮二十餘年

言自

禁中出居東宮也

不畜聲樂每霖雨積雪遣左右周行閭巷視

貧者賑之

行下孟翻賑之忍翻此所謂好行小惠也

天性孝謹在東宮雖燕

居坐起恒西向

必西向者不敢背上臺也恒戶登翻謹居忍翻

或宿被召當入

隔夜爲宿
被皮義翻

危坐達旦及寢疾恐貽帝憂勅參問輒自力

手書

言帝出勅候問太子輒力疾手書自爲奏答

及卒朝野惋愕建康男女

奔走宮門號泣道路

卒子卹翻朝直遙翻惋烏貫翻愕五各翻奔甫門翻走音奏號戶刀

翻

癸丑魏以高歡爲大都督東道大行臺冀州刺史

東道謂太行
恒山以東也

又以安定王爾朱智虎爲肆州刺史魏

爾朱天光出夏州遣將討宿勤明達癸亥擒明達送洛

陽斬之

爾朱天光既擒万俟醜奴又擒宿勤明達河隴平矣不知乃以爲宇文泰之資也夏戶雅翻將

即亮
翻

丙寅魏以侍中驃騎大將軍爾朱彥伯爲司徒

魏詔有司不得復稱僞梁

魏不競於梁故也復扶又翻下同

五月

丙子魏荊州城民斬趙修延復推李琰之行州事

趙修延執

李琰之見

上卷上年

魏爾朱仲遠使都督魏僧勗等討崔祖螭

於東陽斬之

考異曰北齊李渾傳普泰中崔社客反於海岱攻圍青州以渾爲征東將軍都官

尚書行臺赴援而社客宿將多謀諸城各自保固堅壁清野諸將議有異同渾曰社客賊之根本若簡練驍勇銜枚夜襲徑趨營下出其不意咄嗟之間便可擒殄如社客就擒則諸郡可傳檄而定諸將遲疑渾乃速行未明達城下賊徒驚散擒社客斬首送洛陽按其年時事迹與祖螭略同未知社客即祖螭爲別一人也今從魏

帝紀 初昭明太子葬其母丁貴嬪

普通七年丁貴嬪卒

遣人求墓

地之吉者或賂宦者俞三副求賣地云若得錢三百萬

以百萬與之三副密啓上言太子所得地不如今地於

上爲吉

今地謂求賣之地也

上年老多忌即命市之葬畢有道士

云此地不利長子若厭之

長知亮翻厭一協翻又於琰翻下厭禱同

或可申

延也

乃爲蠟鵝及諸物理於墓側長子位宮監鮑邈

之魏雅初皆有寵於太子

五代志梁制東宮有外監殿局內監宮監者即唐內直局

之職也龍朔二年改監曰內直郎

邈之晚見疎於雅乃密啓上云雅爲

太子厭禱上遣檢掘果得鵝物大驚將窮其事徐勉固

諫而止但誅道士由是太子終身慙憤不能自明及卒
上徵其長子南徐州刺史華容公歡至建康欲立以爲
嗣銜其前事猶豫久之卒不立卒子庚寅遣還鎮史因
立孫究言事始嗚呼帝於豫章王綜臨賀王正德雖犯
惡逆猶容忍之至於昭明被讒則終身銜其事蓋天奪
其魄也爲昭明子
答仇視諸父張本

臣光曰君子之於正道不可少頃離也

少詩治翻離力智翻

不

可跬步失也

跬窺婢翻

以昭明太子之仁孝武帝之慈愛

一染嫌疑之迹身以憂死罪及後昆求吉得凶不可

湔滌可不戒哉

前將先翻

是以詭誕之士奇邪之術君子

遠之

奇居宜翻異也遠于願翻

丙申立太子母弟晉安王綱爲皇太子朝野多以爲不

順

立世適孫爲順朝直遙翻

司議侍郎周弘正

按陳書周弘正傳普通中初置司文義郎

直壽光省以弘正爲司義侍郎議當作義

嘗爲晉安王主簿乃奏記曰謙讓

道廢多歷年所伏惟明大王殿下天挺將聖

論語太宰問于子貢

曰夫子聖者歟子貢曰固天縱之將聖朱元晦注曰將殆也謙若不敢知之辭或曰將大也

四海歸

仁是以皇上發德音以大王爲儲副意者願聞殿下抗

目夷上仁之義

左傳宋桓公疾太子茲父固請曰目夷長且仁君其立之公命子魚子魚辭曰

能以國讓仁孰大焉臣弗及

也遂走而退子魚目夷字也執子臧大賢之節

左傳成十三年

諸侯伐秦曹宣公卒于師曹人使公子負芻守公子欣

時逆曹伯之喪負芻殺太子而自立既葬子臧將亡國

人皆將從之成公乃懼告罪且請焉子臧乃反諸侯討

曹成公執而歸諸京師將見子臧于王而立之辭曰聖

達節次守節爲君非吾節也雖不能聖敢失守乎遂逃奔宋負芻立是爲成公子臧欣時字也逃王與

而弗乘

王與當作王與莊子讓王篇曰越人三世弑其君王子搜患之逃乎丹穴而越國無君求王子

搜不得從之丹穴王子搜不出越人薰之以艾乘以王輿王子搜援綆登車仰天而呼曰君乎君獨不可以捨

我棄萬乘如脫屣

孟子曰舜視棄天下猶敝屣也乘繩正翻屣所是翻

庶改澆競

之俗以大吳國之風

謂太伯以天下讓逃而君吳也澆堅堯翻薄也

古有其人

今聞其語能行之者非殿下而誰使無爲之化復生於

遂古

復扶又翻

讓王之道不墜於來葉

遂往也莊子外篇有讓王述堯舜以天下

相讓來葉來世也

豈不盛歟王不能從弘正捨之兄子也

周捨柄用

于天監之初

太子以侍讀東海徐摛爲家令

晉王紹宗遷秘書少監仍侍皇

太子讀書此侍讀之始也

兼管記尋帶領直

管記職同公府記室梁制上臺東宮皆有領直

領直者領直衛兵也

摛文體輕麗春坊盡學之

東宮謂之春宮時宮坊謂之春坊

人謂之宮體上聞之怒召摛欲加誚責及見

誚才笑翻見賢遍翻

應對明敏辭義可觀意更釋然因問經史及釋教摛商

較從橫

較古推翻從子容翻

應對如響上甚加歎異

上崇信釋氏意謂徐摛業

儒但知經史而已扣擊之餘及于釋教商較從橫應對如響遂加歎異殊不思上有好者下必有甚者焉釋教

盛行可以媒富貴利達江東人士孰不從風而靡乎寵遇日隆領軍朱异不悅

羊异

至翻謂所親曰徐叟出入兩宮漸來見逼我須早爲之所

遂乘間白上曰摛年老又愛泉石意在一郡自養上謂

摛真欲之乃召摛謂曰新安大好山水遂出爲新安太

守

史言朱异固寵忌前問古覓翻

六月癸丑立華容公歡爲豫章王其

弟枝江公譽爲河東王曲阿公答爲岳陽王上以人言

不息

謂不順也

故封歡兄弟以大郡用慰其心久之鮑邈之

坐誘掠人

誘音酉

罪不至死太子綱追思昭明之冤揮淚

誅之

魏高歡將起兵討爾朱氏鎮南大將軍斛律金

軍主善無庠狄干

善無縣前漢屬鴈門郡後漢屬定襄郡魏晉省後魏天平二年始以善無

爲郡與歡妻弟婁昭妻之姊夫段榮皆勸成之歡乃詐爲

書稱爾朱兆將以六鎮人配契胡爲部曲衆皆憂懼

契欺

訖翻又爲并州符徵兵討步落稽

爾朱兆擅命并汾此亦高歡僞爲兆符也步落

稽即發萬人將遣之孫騰與都督尉景爲請留五日如

此者再

孫騰尉景既爲鎮人請留必又因其願留之情扇動之於下此當以意會也爲於僞翻

歡

親送之郊雪涕執別衆皆號慟聲震原野歡乃諭之

先感

動其心而後諭之號戶刀翻

曰與爾俱爲失鄉客義同一家

高歡亦鎮戶故

云然不意在上徵發乃爾今直西向已當死

自信都赴并汾爲西向

後軍期又當死配國人又當死

爾朱契胡種也故謂契胡爲國人

奈何

衆曰唯有反耳歡曰反乃急計然當推一人爲主誰可

者衆共推歡歡曰爾鄉里難制不見葛榮乎雖有百萬

之衆曾無灋度終自敗滅今以吾爲主當與前異母得

陵漢人犯軍令生死任吾則可不然不能爲天下笑

高歡

先立法制以齊其衆故能成大事史言盜亦有道

衆皆頓顙曰死生唯命歡乃

椎牛饗士庚申起兵於信都

考異曰魏書帝紀起兵於庚申北齊書帝紀在庚

子北史魏紀齊紀亦然今從魏書紀

亦未敢顯言叛爾朱氏也會李元忠

舉兵逼殷州歡令高乾帥衆救之

高乾預歡密謀而使之救殷州此不過使

之誘禽爾朱羽生耳

乾輕騎入見爾朱羽生與指畫軍計

騎奇計翻羽

生與乾俱出因擒斬之持羽生首謁歡歡撫膺曰今日

反決矣

高歡反謀非一日矣及爾朱羽生投首方言反決蓋其初猶有疑李元忠高乾邕之心元忠既

舉兵逼殷州乾邕又斬羽生歡於是深悉二人之心而冀殷之勢已合於是決反

乃以元忠爲

殷州刺史鎮廣阿歡於是抗表罪狀爾朱氏爾朱世隆

匿之不通

世隆爲尚書令故得匿歡表

魏楊播及弟椿津皆有名

德播剛毅椿津謙恭家世孝友總服同爨

凡三從之服服總麻

男

女百口人無間言

間古覓翻異也

椿津皆至三公一門七郡太

守三十二州刺史

史言楊氏貴盛

敬宗之誅爾朱榮也播子侃

預其謀

事見上卷上年

城陽王徽李彧皆其姻戚也爾朱兆入

洛侃逃歸華陰

華戶化翻

爾朱天光使侃婦父韋義遠招之

與盟許賞其罪

賞貸也音始制翻

侃曰彼雖食言死者不過一

人猶冀全百口乃出應之天光殺之時椿致仕與其子

昱在華陰椿弟冀州刺史順司空津順子東雍州刺史

辨正平太守仲宣皆在洛

雍於用翻

秋七月爾朱世隆誣奏

楊氏謀反請收治之

治直之翻

魏主不許世隆苦請帝不得

已命有司檢案以聞壬申夜世隆遣兵圍津第天光亦

遣兵掩椿家於華陰東西之族無少長皆殺之

世隆天光先已

約同夷楊氏故東西一時俱發居華陰者爲
西族居洛者爲東族少詩照翻長知兩翻籍沒其家

世隆奏云楊氏實反與收兵相拒已皆格殺帝惋悵久

之不言而已

惋烏貫翻悵丑亮翻

朝野聞之無不痛憤津子逸爲

光州刺史爾朱仲遠遣使就殺之唯津子惜於被收時

適出在外逃匿獲免往見高歡於信都

使疏吏翻惜於今翻被皮義翻

考異曰北齊書惜傳云惜父津爲并州刺史惜隨之任俄而孝莊幽崩惜時適欲還都行達邯鄲過津義從楊寬家爲寬所執至相州見刺史劉誕以惜名家盛德甚相哀念遣隊主輩榮貴防禁送都至安陽亭榮貴遂與俱逃乃投高昂兄弟潛竄累載屬齊神武至信都遂投刺轅門即署行臺郎中按時齊神武已在信都言潛

竄累載誤矣又云孝莊幽崩而惜欲還都見執皆非也

泣訴家禍因爲言討爾朱

氏之策

爲於偽翻

歡甚重之即署行臺郎中

楊愔門地既高又有幹用高歡

起兵之初藉人望以爲重藉才幹以爲用所以擢而用之士無賢不肖入朝見嫉田橫島之逃實基於此

乙亥上臨軒策拜太子大赦

丙戌魏司徒爾朱彥伯

以早遜位戊子以彥伯爲侍中開府儀同三司彥伯於

兄弟中差無過惡爾朱世隆固讓太保魏主特置儀同

三司之官位次上公之下

太師太傅太保爲三司位上公

庚寅以世隆

爲之斛斯椿譖朱瑞於世隆世隆殺之

以朱瑞爲敬宗所親遇也

庚寅詔凡宗戚有服屬者

有服屬諸總麻以上

並可賜湯沐食鄉

亭侯

婦人賜湯沐邑男
子食鄉侯亭侯也

隨遠近爲差

隨服屬之遠
近以爲等差

壬

辰以吏部尚書何敬容爲尚書右僕射敬容昌寓之子

也

何昌寓尚
之弟子

魏爾朱仲遠度律等聞高歡起兵恃其

彊不以爲慮獨爾朱世隆憂之爾朱兆將步騎二萬出

井陘趣殷州

將即亮翻騎奇計翻
陘音刑趣七喻翻

李元忠棄城奔信都

八月丙午爾朱仲遠度律將兵討高歡九月己卯魏以

仲遠爲太宰庚辰以爾朱天光爲大司馬 癸巳魏主

追尊父廣陵惠王爲先帝

支子入繼太宗尊所生父爲皇自漢哀帝始尊之爲帝自

吳孫皓始

母王氏爲先太妃封弟永業爲高密王子恕爲勃

海王 冬十月己酉上幸同泰寺升壇坐講涅槃經

涅槃奴

結翻七日而罷

樂山侯正則先有罪徙鬱林

五代志樂山縣屬鬱

林郡鬱林漢古郡唐爲鬱林郡

招誘亡命欲攻番禺

誘音酉番禺音潘愚

廣州刺

史元仲景討斬之

仲景當作景仲

正則正德之弟也

史言臨川王宏諸子

皆克悖

孫騰說高歡曰今朝廷隔絕號令無所稟

說式芮翻

受命曰稟音必錦翻

不權有所立則衆將沮散

沮在呂翻

歡疑之騰再

三固請乃立勃海太守元朗爲帝朗融之子也

章武王融爲葛

榮所殺

壬寅朗即位於信都城西改元中興

廢帝諱朗字仲哲章武王

融第三子也

以歡爲侍中丞相都督中外諸軍事大將軍錄

尚書事大行臺高乾爲侍中司空高敖曹爲驃騎大將

軍儀同三司冀州刺史

時廢帝除昂爲冀州刺史終其身驃匹妙翻騎奇計翻

孫

騰爲尚書左僕射河北行臺魏蘭根爲右僕射

去年敬宗以魏

蘭根爲河北行臺

已酉爾朱仲遠度律與驃騎大將軍斛斯椿

車騎大將軍儀同三司賀拔勝車騎大將軍賈顯智軍

於陽平

此陽平縣也漢時屬東郡魏晉以來屬陽平郡唐魏州莘縣陽平之地也

顯智名智

以字行顯度之弟也爾朱兆出井陘軍於廣阿衆號十

萬高歡縱反間云世隆兄弟謀殺兆復云兆與歡同謀

殺仲遠等

間古覓翻復扶又翻

由是迭相猜貳徘徊不進仲遠等

屢使斛斯椿賀拔勝往諭兆兆帥輕騎三百來就仲遠

帥讀

曰率同坐幕下意色不平手舞馬鞭長嘯凝望

鄭玄曰嘯戲口

而出

疑仲遠等有變遂趨出馳還仲遠遣椿勝等追曉

說之兆執椿勝還營仲遠度律大懼引兵南遁兆數勝

罪將斬之

說式苕翻
數所具翻

曰爾殺衛可孤罪一也

事見一百
五十卷普

通五年

天柱薨爾不與世隆等俱來而東征仲遠罪二也

事見上年

我欲殺爾久矣今復何言

復扶
又翻

勝曰可孤爲國

巨患勝父子誅之其功不小反以爲罪乎天柱被戮以

君誅臣

被皮
義翻

勝寧負王不負朝廷今日之事生死在王

但寇賊密邇骨肉構隙自古及今未有如是而不亡者

勝不憚死恐王失策兆乃捨之高歡將與兆戰而畏其

衆彊以問親信都督段韶

親信都督魏末諸將擅
兵始置是官以領親兵

韶曰

所謂衆者得衆人之死

言得衆人之死力也

所謂彊者得天下之

心爾朱氏上弑天子中屠公卿下暴百姓王以順討逆

如湯沃雪何衆彊之有歡曰雖然吾以小敵大恐無天

命不能濟也韶曰韶聞小能敵大小道大淫皇天無親

惟德是輔

小能敵大小道大淫左傳記隨大夫季梁之言也皇天無親惟德是輔書蔡仲之命之辭

也段韶父子起於北邊以騎射爲工安能作書語魏收以其於北齊爲勲戚宗門彊盛從而爲之辭耳孟子曰盡信書不如無書信哉

爾朱氏外亂天下內失英雄心智者不爲

謀勇者不爲鬪

爲於僞翻

人心已去天意安有不從者哉韶

榮之子也

段榮與高歡親善

辛亥歡大破兆於廣阿俘其甲卒

五千餘人

十一月乙未上幸同泰寺講般若經七日

而罷

般北宋翻若人者翻

庚辰魏高歡引兵攻鄴相州刺史劉

誕嬰城固守

相息亮翻

是歲魏南兗州城民王乞得劫刺

史劉世明舉州來降

魏正光中置南兗州治譙城領陳留梁譙沛下蔡北梁馬頭等郡降

戶江翻

世明芳之族子也

劉芳以儒學用於孝文宣武二帝

上以侍中元

樹爲鎮北將軍都督北討諸軍事鎮譙城以世明爲征

西大將軍郢州刺史加儀同三司世明不受固請北歸

上許之世明至洛陽奉送所持節歸鄉里不仕而卒

陳力

就列不能者止劉世明有焉劉氏世居彭城

四年春正月丙寅以南平王偉爲大司馬元灋僧爲太

尉袁昂爲司空立西豐侯正德爲臨賀王正德自結

於朱异上既封昭明諸子异言正德失職

言帝嘗養正德爲子既而

還本爵秩不得與諸子齒也异音羊至翻

故王之

以太子右衛率薛灋護

爲司州牧衛送魏王悅入洛

庚午立太子綱之長子

大器爲宣城王

長知兩翻

魏高歡攻鄴爲地道施柱而焚

之城陷入地

穴城下爲地道而未成恐其土頽落而不得完功故施柱地道既成乃焚其柱故城

陷入地

壬午拔鄴擒劉誕以楊愔爲行臺右丞時軍國多

事文檄教令皆出於愔及開府諮議參軍崔悛悛逞之

五世孫也

悛力膺翻崔逞去燕歸魏爲道武帝所殺

二月以太尉元灋僧

爲東魏王

上既以元悅爲魏王使自西道入又使元法僧從東道入故謂之東魏王

欲遣還

北兖州刺史羊侃爲軍司馬與灋僧偕行揚州刺史

邵陵王綸遣人就市賒買錦綵絲布數百匹市人皆閉

邸店不出少府丞何智通依事啓聞綸被責還弟

被皮義翻

弟與弟同
下於弟同

乃遣防閤戴子高等以槩刺智通於都巷

都巷

猶前言京巷也槩色角翻刺七亦翻

刃出於背智通識子高取其血以指

畫車壁爲邵陵字乃絕由是事覺庚戌綸坐免爲庶人

鎖之於弟經二旬乃脫鎖頃之復封爵 辛亥魏安定

王追謚敬宗曰武懷皇帝

朗既禪位孝武帝封爲安定王

甲子以高歡

爲丞相柱國大將軍太師三月丙寅以高澄爲驃騎大

將軍丁丑安定王帥百官入居於鄴

帥讀曰率

爾朱兆與爾

朱世隆等互相猜阻世隆卑辭厚禮諭兆欲使之赴洛

唯其所欲又請節閔帝納兆女爲后兆乃悅并與天光
度律更立誓約復相親睦斛斯椿陰謂賀拔勝曰天下
皆怨毒爾朱而吾等爲之用亡無日矣不如圖之勝曰
天光與兆各據一方欲盡去之甚難去之不盡必爲後
患奈何椿曰此易致耳乃說世隆追天光等赴洛共討
高歡復扶又翻去羗
呂翻說式芮翻世隆屢徵天光天光不至使椿自
往邀之曰高歡作亂非王不能定豈可坐視宗族夷滅
邪天光不得已將東出問策於雍州刺史賀拔岳賀拔
岳自

岐州遷刺雍州雍於用翻

岳曰王家跨據三方

兆北據并汾天光西奄開隴仲遠擅命徐

充是跨據三方

士馬殷盛高歡烏合之衆豈能爲敵但能同心

戮力往無不捷若骨肉相疑則圖存之不暇安能制人

如下官所見莫若且鎮關中以固根本分遣銳師與衆

軍合勢進可以克敵退可以自全天光不從閏月壬寅

天光自長安兆自晉陽度律自洛陽仲遠自東郡皆會

於鄴衆號二十萬夾洹水而軍

水經注洹水逕鄴城南洹於元翻

節閔

帝以長孫稚爲大行臺總督之高歡令吏部尚書封隆

之守鄴癸丑出頓紫陌

水經注漳水東出山過鄴又北逕祭陌西戰國之世俗巫爲河

伯娶婦祭於此陌田融以爲紫陌趙建武十一年造紫陌浮橋於水上

大都督高敖曹將

鄉里部曲王桃湯等三千人以從

將即亮翻下同從才用翻

歡曰高

都督所將皆漢兵恐不足集事欲割鮮卑兵千餘人相

雜用之何如敖曹曰敖曹所將練習已久前後格鬪不

減鮮卑今若雜之情不相洽勝則爭功退則推罪

推吐雷翻

不煩更配也庚申爾朱兆帥輕騎三千夜襲鄴城叩西

門不克而退壬戌歡將戰馬不滿二千步兵不滿三萬

衆寡不敵乃於韓陵爲圓陳

五代志鄴縣有韓陵山杜佑曰在相州安陽縣東北

陳讀曰陣

連繫牛驢以塞歸道

塞息則翻

於是將士皆有死志

將即

亮翻兆望見歡遙責歡以叛已歡曰本所以勦力者共輔

帝室今天子何在兆曰永安枉害天柱我報讎耳

敬宗年號

永安故以稱之歡曰我昔聞天柱計汝在戶前立豈得言不反

邪

對兩軍發其陰謀以正爾朱之罪

且以君殺臣何報之有今日義絕

矣遂戰歡將中軍高敖曹將左軍歡從父弟岳將右軍

將即亮翻歡戰不利兆等乘之岳以五百騎衝其前別

將斛律敦收散卒躡其後敎曹以千騎自栗園出橫擊

之兆等大敗賀拔勝與徐州刺史杜德於陳降歡

陳音陣同

兆對慕容紹宗撫膺曰不用公言以至於此

謂紹宗諫兆使歡統

州鎮兵而

兆不用也欲輕騎西走

自鄴西走歸晉陽

紹宗反旗鳴角

徐廣車服

儀制曰角前代書記所不載或云本出羌胡以驚中國之馬杜佑曰大角即後魏簸迴迴是也

收散卒

成軍而去兆還晉陽仲遠奔東郡

秦置東郡晉改爲濮陽國後復曰東郡治

滑臺城

爾朱彥伯聞度律等敗欲自將兵守河橋

將即亮翻

世

隆不從度律天光將之洛陽大都督斛斯椿謂都督賈

顯度賈顯智曰今不先執爾朱氏吾屬死無類矣乃夜

於桑下盟約倍道先還世隆使其外兵參軍陽叔淵馳

赴北中

北中即北中郎府城在河橋北岸

簡閱敗卒以次內之

內讀

椿

至不得入城乃詭說叔淵曰

說式芮翻

天光部下皆是西人

聞欲大掠洛邑遷都長安宜先內我以為之備叔淵信

之夏四月甲子朔椿等入據河橋盡殺爾朱氏之黨度

律天光欲攻之會大雨晝夜不止士馬疲頓弓矢不可

施遂西走至灃陂津為人所擒送於椿所

灃陂津在河橋西亦曰雷

波即爾朱兆犯洛帥騎踏
淺涉度之處澧力水翻

椿使行臺長孫稚詣洛陽奏

狀別遣賈顯智張歡帥騎掩襲世隆執之

帥讀曰率
騎奇計翻

彥

伯時在禁直長孫稚於神虎門啓陳高歡義功既振請

誅爾朱氏節閔帝使舍人郭崇報彥伯彥伯狼狽走出

爲人所執與世隆俱斬於閭闔門外送其首并度律天

光於高歡節閔帝使中書舍人盧辯勞歡於鄴

勞力
到翻

歡

使之見安定王辯抗辭不從歡不能奪乃捨之辯同之

兄子也

盧同始附
元叉以進

辛未驃騎大將軍行濟州事侯景降

於安定王以景爲尚書僕射南道大行臺濟州刺史

濟子

禮翻降戶
江翻下同

爾朱仲遠來奔仲遠帳下都督喬寧張子期

自滑臺詣歡降歡責之曰汝事仲遠擅其榮利盟契百

重許同生死

契約也重
直龍翻

前仲遠自徐州爲逆汝爲戎首

謂前年仲遠舉
兵向洛時也

今仲遠南走汝復叛之

復扶
又翻

事天子則

不忠事仲遠則無信犬馬尚識飼之者

飼祥
吏翻

汝曾犬馬

之不如遂斬之爾朱天光之東下也留其弟顯壽鎮長

安召秦州刺史侯莫陳悅欲與之俱東賀拔岳知天光

必敗欲留悅共圖顯壽以應高歡計未有所出宇文泰謂岳曰今天光尚近悅未必有貳心若以此告之恐其驚懼然悅雖爲主將不能制物

將即亮翻

若先說其衆必人

有留心悦進失爾朱之期退恐人情變動乘此說悅事無不遂岳大喜即令泰入悅軍說之悅遂與岳俱襲長

安

岳爲雍州刺史本治長安蓋天光東下使之出捍西北也

泰帥輕騎爲前驅顯壽

棄城走追至華陰擒之

帥讀曰率騎奇計翻華戶化翻

歡以岳爲關西

大行臺

考異曰北史薛孝通爲中書郎以關中險固秦漢舊都須預謀防遏以爲後計縱河北失利

猶足據之節閔帝深以爲然問誰可任者孝通與賀拔
岳同事天光又與周文帝有舊二人竝先在關右竝推
薦之乃超授岳督岐華秦雍諸軍事關西大行臺雍州
牧周文帝爲左丞孝通爲右丞齋詔書馳驛入關授岳
等同鎮長安後天光敗於韓陵節閔遂不得入關爲齊
神武幽廢按天光尚在節閔安敢除岳鎮關中今從魏
書

岳以泰爲行臺左丞領府司馬事無巨細皆委之爾

朱世隆之拒高歡也使齊州行臺尚書房謨募兵趣四

瀆

四瀆津名在臨濟縣水經注河水東北流四瀆津津
西側岸臨河有四瀆祠以其自河入濟自泗入淮自

淮達江水徑周流故有
四瀆之名趣七喻翻

又使其弟青州刺史弼趣亂城

揚聲北渡爲犄角之勢

犄居
蟻翻

及韓陵既敗弼還東陽聞

世隆等死欲來奔數與左右割臂爲盟帳下都督馮紹

隆素爲弼所信待說弼曰今方同契闊

數所角翻說式芮翻詩擊鼓曰

死生契闊毛萇注曰契闊勤苦也契苦結翻

宜更割心前之血以盟衆弼從

之大集部下披胸令紹隆割之紹隆因推刀殺之

推吐雷翻

傳首洛陽丙子安東將軍辛永以建州降於安定王辛

巳安定王至邙山高歡以安定王疎遠

章武王太洛文成之子獻文之

季弟也太洛生融融生安定王於孝明帝總麻親也故以爲疎遠魏收書章武王太洛景穆之子以彬爲後彬子融審爾則愈疎遠矣

使僕射魏蘭根慰諭洛邑且觀節閔帝之

爲人欲復奉之

復扶
又翻

蘭根以帝神采高明恐於後難制

與高乾兄弟及黃門侍郎崔陵共勸歡廢之

陵力
膺翻

歡集

百官問所宜立莫有應者太僕代人綦母儁盛稱節閔

帝賢明宜主社稷歡欣然是之儁作色曰若言賢明自

可待我高王徐登大位廣陵既爲逆胡所立

節閔帝本
廣陵王

何得猶爲天子若從儁言王師何名義舉歡遂幽節閔

帝於崇訓佛寺歡入洛陽斛斯椿謂賀拔勝曰今天下

事在吾與君耳若不先制人將爲人所制高歡初至圖

之不難勝曰彼有功於時害之不祥比數夜與歡同宿

比毘至翻

且序往昔之懷兼荷兄恩意甚多

荷下可翻古以儋負爲義故以

受任爲荷受恩爲荷而感恩者亦曰荷

何苦憚之椿乃止

史言賀拔勝有才武而無遠識

高歡能以姦詐玩弄時輩而悅其心斛斯椿者小有才反覆人也其圖歡之志固在孝武帝未立之前矣歡

以汝南王悅高祖之子召欲立之聞其狂暴無常乃止

考異曰魏書悅傳云神武令人示意悅既至清狂如故動爲罪失不可扶立乃止按悅時猶在梁境比召至

洛往返幾日蓋神武聞其所爲而止耳

時諸王多逃匿尚書左僕射平陽

王修懷之子也

廣平王懷高祖之子修於孝明帝從兄弟也

匿於田舍歡欲

立之使斛斯椿求之椿見修所親員外散騎侍郎太原

王思政問王所在思政曰須知問意椿曰欲立爲天子

思政乃言之椿從思政見修修色變謂思政曰得無賣

我邪曰不也曰敢保之乎曰變態百端何可保也椿馳

報歡歡遣四百騎迎修入氈帳

騎奇計翻氈帳胡夷酋帥所居漢人謂之穹廬

陳誠泣下霑襟修讓以寡德歡再拜修亦拜歡出備服

御進湯沐達夜嚴警

嚴爲警備也

昧爽

孔安國曰昧冥爽明早旦馬曰昧未旦也

陸德明曰爽謂早旦也

文武執鞭以朝

軍中不能備朝服故執鞭以爲敬朝直遙翻

使

斛斯椿奉勸進表椿入帷門磬折延首而不敢前

張守節曰

磬折謂曲體揖之若石磬之形曲折也磬形皆中屈垂兩頭言人屈腰則似也

修令思政取表

視之曰便不得不稱朕矣

書曰天位艱哉又曰毋安厥位惟危雖天人樂推神器歸

屬賢君處此之時慄慄乎懼其不勝也平陽王視勸進表而發此言驕滿之氣溢出於肝鬲之上君子以是知其不能終乃爲安定王作詔策而禪位焉

爲於

戊子孝武帝

即位於東郭之外

帝諱修字孝則廣平武穆王懷之第三子也東郭洛城東郭也

用代

都舊制以黑氍蒙七人歡居其一帝於氍上西向拜天

畢入御太極殿

魏自孝文帝用夏變夷宣武孝明即位皆用漢魏之制今復用夷禮

羣臣

朝賀

朝直遙翻下同

升閭闔門大赦改元太昌以高歡爲大丞

相天柱大將軍太師世襲定州刺史庚寅加高澄侍中

開府儀同三司初歡起兵信都爾朱世隆知司馬子如

與歡有舊自侍中驃騎大將軍出爲南岐州刺史歡入

洛召子如爲大行臺尚書朝夕左右參知軍國廣州刺

史廣寧韓賢

魏收志廣寧郡屬朔州領石門中川二縣五代志馬邑郡善陽縣後齊置朔州及廣

寧郡素爲歡所善歡入洛凡爾朱氏所除官爵例皆削奪

惟賢如故以前御史中尉樊子鵠兼尚書左僕射爲東

南道大行臺與徐州刺史杜德追爾朱仲遠仲遠已出境遂攻元樹於譙丞相歡徵賀拔岳爲冀州刺史岳畏歡欲單馬入朝行臺右丞薛孝通說

說式芮翻

岳曰高王以

數千鮮卑破爾朱百萬之衆誠亦難敵然諸將或素居其上或與之等夷屈首從之勢非獲已今或在京師或據州鎮高王除之則失人望留之則爲腹心之疾且吐萬人雖復敗走

爾朱兆字吐萬人

猶在并州高王方內撫羣雄

外抗勅敵

勅其京翻

安能去其巢穴與公爭關中之地乎今

關中豪俊皆屬心於公

屬之欲翻

願效其智力公以華山爲

城黃河爲塹

華戶化翻塹七艷翻

進可以兼山東退可以封函谷

後漢王元說隗囂曰元請以一丸泥爲大王東封函谷關

奈何欲束手受制於人乎

言未卒

卒子恤翻

岳執孝通手曰君言是也乃遜辭爲啓而

不就徵壬辰丞相歡還鄴送爾朱度律天光於洛陽斬

之五月丙申魏主酖節閔帝於門下外省

年三十五西魏謚帝

曰節閔

詔百司會喪葬用殊禮

加九旒鑾輅黃屋左纛班劔百二十人蓋其禮特異

於諸王之喪耳

以沛郡王欣爲太師趙郡王謏爲太保

謏世南

陽王寶炬爲太尉長孫稚爲太傅寶炬愉之子也

京兆王愉

亦孝文帝之子

丞相歡固辭天柱大將軍戊戌許之己酉清河

王亶爲司徒侍中河南高隆之本徐氏養子丞相歡命

以爲弟恃歡勢驕公卿南陽王寶炬毆之曰鎮兵何敢

爾

魏遷洛陽北人留居北鎮者率隸尺籍故詈之曰鎮兵毆烏口翻

魏主以歡故六月

丁卯黜寶炬爲驃騎大將軍歸第

魏主避廣平武穆

王之諱改謚武懷皇帝曰孝莊皇帝

謚法武而不遂曰莊死於原野曰莊

兵甲亟作曰莊

廟號敬宗

秋七月庚子魏復以南陽王寶炬

爲太尉 壬寅魏丞相歡引兵入湓口大都督庾狄干

入井陘擊爾朱兆

湓音父 陘音刑

庚戌魏主使驃騎大將軍儀

同三司高隆之帥步騎十萬會丞相歡於太原因以隆

之爲丞相軍司歡軍於武鄉

晉置武鄉縣屬上黨郡石勒分置武鄉郡唐爲武鄉

縣屬潞州我朝屬威勝軍

爾朱兆大掠晉陽北走秀容并州平

走音奏

歡以晉陽四塞

太原郡之地東阻太行常山西有蒙山南有霍太山高壁嶺北阨東陘西陘關

故亦以爲四塞之地

乃建大丞相府而居之

自此至於高齊建國遂以晉陽爲陪都

魏夏州遷民郭遷據青州反

郭遷自夏州遷青州必叛黨也

刺史元

疑棄城走

嶷魚力翻

詔行臺侯景等討之拔其城遷來奔

魏東南道大行臺樊子鵠圍元樹於譙城分兵攻取蒙

縣等五城

去年梁遣元樹鎮譙城蒙縣漢晉屬梁國魏屬譙郡隋并入山桑縣唐改山桑爲蒙城縣

屬亳

以絕援兵之路樹請帥衆南歸以地還魏

帥讀曰率

子

鵠等許之與之誓約樹衆半出子鵠擊之擒樹及譙州

刺史朱文開以歸羊侃行至官竹

水經注睢水自睢陽東南流歷竹園水次

綠竹蔭渚菁菁彌望世人謂之梁王竹園官收其利因曰官竹

聞樹敗而還

還音旋

九月

樹至洛陽久之復欲南奔魏人殺之

復扶又翻

乙巳以司

空袁昂領尚書令

冬十一月丁酉日南至

夏至之日
日北至冬

至之日日南至杜預曰冬至之日日南極班志曰行光
道夏至至於東井北近極故晷短冬至至於牽牛遠極
故晷長司馬彪志曰日道發南去極彌遠其景彌長遠
長乃極冬乃至日道斂北去極彌近其景彌短近短乃
極夏乃至焉魏主祀圜丘古者因天事天故祭
天於圜丘其圜象天甲辰魏殺

安定王朗東海王暉

二王皆嘗擁立雖已廢
退居嫌疑之地故見殺

已酉以汝

南王悅爲侍中大司馬

魏葬靈太后胡氏

爾朱榮沈
靈后於河

今乃
克葬

上聞魏室已定十二月庚辰復以太尉元灋僧

爲郢州刺史

是年春以元法
僧爲東魏王

魏主以汝南王悅屬近

地尊

悅魏王之叔父也

丁亥殺之

魏大赦改元永興以與太

宗同號

永興魏太宗即位之初元也

復改永熙

復扶又翻

魏主納丞相

歡女爲后命太常卿李元忠納幣於晉陽歡與之宴論

及舊事元忠曰昔日建義車馬大樂

樂音洛

比來寂寂無

人問

比毗至翻

歡撫掌笑曰此人逼我起兵元忠戲曰若不

與侍中當更求建義處歡曰建義不慮無止畏如此老

翁不可遇耳元忠曰止爲此翁難遇所以不去因將歡

須大笑

爲於偽翻將盧括翻

歡悉其雅意深重之

悉諳究也知也雅素也

爾朱兆既至秀容分守險隘出入寇抄

抄楚文翻

魏丞相歡

揚聲討之師出復止者數四兆意怠歡揣其歲首當宴

會

復扶又翻
揣初委翻


遣都督竇泰以精騎馳之一日一夜行三

百里歡以大軍繼之

爲明年竇泰破爾朱
兆張本騎奇計翻



資治通鑑卷一百五十五



總校官庶吉士臣侍朝

校對官檢討臣王坦修

謄錄監生臣潘承煒

欽定四庫全書薈要

史部

資治通鑑卷一百五十六

七



詳校官編修臣汪鏞

欽定四庫全書會要卷七千一百四十二

史部

資治通鑑卷一百五十六 宋 司馬光 撰

胡三省 音註

東梁紀十二

起昭陽赤奮若盡開
逢攝提格凡二年

高祖武皇帝十二

中大通五年春正月辛卯上祀南郊大赦 魏寶泰奄

至爾朱兆庭軍人因宴休情忽見泰軍驚走追破之於

赤洪嶺

杜佑曰石州離石縣有赤洪水即離石水赤洪
其別名也高歡破爾朱兆于赤洪嶺蓋近此又

曰赤洪水源出方山縣東流入離石硤戶工翻考異

曰魏帝紀正月庚寅朔甲午齊獻武王自晉陽出討兆

丁酉大破之于赤洪嶺北齊帝紀出兵在去年破

兆在今年按歲首宴會不應直至八日今從齊書衆竝

降散

降戶江翻下同

兆逃於窮山命左右西河張亮及蒼頭陳

山提斬已首以降皆不忍兆乃殺所乘白馬自縊於樹

歡親臨厚葬之

縊於賜翻又於計翻臨力鳩翻哭也

慕容紹宗攜爾朱榮

妻子及兆餘衆詣歡降歡以義故待之甚厚

義故猶言義舊也

兆之在秀容左右皆密通款於歡唯張亮無啓疏

疏所翻

歡嘉之以爲丞相府參軍魏罷諸行臺

天監十五年魏以李平爲

行臺節度統攻硤石諸軍踵魏初之制而置之也正光之末盜起始復置諸道行臺

辛亥上祀

明堂 丁巳魏主追尊其父爲武穆帝太妃馮氏爲武

穆后母李氏爲皇太妃 勞州刺史曹鳳東荊州刺史

雷能勝等舉城降魏

曹鳳雷能勝皆蠻左也因其地授以州刺史降戶江翻

魏

侍中斛斯椿聞喬寧張子期之死

寧子期死見上卷上年

內不自

安與南陽王寶炬武衛將軍元毗王思政密勸魏主圖

丞相歡

椿本有圖歡之心因喬張之死懼禍將及決計爲之

毗遵之玄孫也

道武建國

之初常山王遵有佐命之功

舍人元士弼又言歡受詔不敬帝由是

不悅椿勸帝置閣內都督部曲又增武直人數自直閣

已下員別數百

武直謂武士之入直殿閣者據五代志紀北齊之制領軍府將軍掌宿衛禁掖

朱華閣外凡禁宿衛官皆主之又左右衛府將軍各一人掌左右廂所主朱華閣以外各武衛將軍二人貳之其御仗屬官有御仗正副都督御仗五職御仗等員直盪屬官有直盪正副都督直入正副都督勲武前鋒正副都督勲武前鋒五職等員直衛屬官有直衛正副都督翊衛正副都督等員直突屬官有直突都督前鋒散都督等員直閣屬官有朱衣直閣將軍直寢直齋直後之屬又有雲騎武騎驍騎遊擊前左右後等將軍左右虎賁等中郎將步兵越騎射聲屯騎長水等校尉奉車騎二都尉羽林監冗從僕射積弩積射強弩殿中等將軍及員外將軍武騎常侍殿中司馬督員外司馬督等蓋其制昉于晉代有損益觀北齊之制則當時之增置

亦可概見矣

皆選四方驍勇者充之

驍堅 堯翻

帝數出遊幸椿自

部勒別爲行陳

數所角翻行戶 剛翻陳讀曰陣

由是朝政軍謀帝專與

椿決之帝以關中大行臺賀拔岳擁重兵密與相結又

出侍中賀拔勝爲都督三荆等七州諸軍事

七州三荆及襄南襄

郢南 郢也

欲倚勝兄弟以敵歡

倚勝及岳也

歡益不悅侍中司空

高乾之在信都也遭父喪不暇終服及孝武帝即位表

請解職行喪詔聽解侍中

絕句

司空如故乾雖求退不謂

遽見許既去內侍朝政多不關預居常怏怏

怏於兩翻

帝既

貳於歡冀乾爲已用嘗於華林園宴罷獨留乾謂之曰

司空奕世忠良

謂自高允以來

今日復建殊效

復扶又翻

相與雖則

君臣義同兄弟宜共立盟約以敦情契殷勤逼之乾對

曰臣以身許國何敢有貳時事出倉猝且不謂帝有異

圖遂不固辭亦不以啓歡及帝置部曲乾乃私謂所親

曰主上不親勲賢而招集羣小數遣元士弼王思政往

來關西與賀拔岳計議又出賀拔勝爲荊州外示疎忌

內實樹黨令其兄弟相近冀據有西方禍難將作必及

於我乃密啓歡歡召乾詣并州面論時事乾因勸歡受

魏禪歡以袖掩其口曰勿妄言今令司空復爲侍中門

下之事一以相委歡屢啓請帝不許乾知變難將起密

啓歡求爲徐州

數所角翻近其靳翻難乃旦
翻復扶又翻羅復詔復下同

二月辛酉

以乾爲驃騎大將軍開府儀同三司徐州刺史

驃匹妙
翻騎奇

計以咸陽王坦爲司空

爲魏主殺高乾
討高歡張本

癸未上幸同

泰寺講般若經

般若鉢若
人者翻

七日而罷會者數萬人

魏

正光以前阿至羅常附於魏

阿至羅高車種也魏書孝
靜帝興和三年阿至羅國

主副伏羅越君子去賓
來降封之爲高車王

及中原多事阿至羅亦叛丞相

歡招撫之阿至羅復降凡十萬戶三月辛卯詔復以歡

爲大行臺

魏方罷諸行臺今復命歡以此職以招撫阿至羅

使隨宜裁處

處呂翻

歡與之粟帛議者以爲徒費無益歡不從及經畧河西

大收其用

謂救曹泥及取万俟受洛干時也

高乾將之徐州魏主聞

其漏泄機事乃詔丞相歡曰乾邕與朕私有盟約今乃

反復兩端歡聞其與帝盟亦惡之

惡烏故翻

即取乾前後數

啓論時事者遣使封上

使疏吏翻下同上時掌翻

帝召乾對歡使責

之乾曰陛下自立異圖乃謂臣爲反覆人主加罪其可

辭乎遂賜死帝又密勅東徐州刺史潘紹業殺其弟敖

曹

按李延壽齊紀魏主遣東徐州刺史潘紹業密勅長樂太守龐蒼鷹殺敖曹則是高敖曹此時在信都也

敖曹先聞乾死伏壯士於路執紹業得勅書於袍領遂

將十餘騎奔晉陽

將即亮翻騎奇計翻

歡抱其首哭曰天子枉害

司空敖曹兄仲密爲光州刺史帝勅青州斷其歸路

斷音

短仲密由東萊歸勃海道出青州

仲密亦間行奔晉陽

間古

仲密名慎

以字行魏太師魯郡王肅卒

卒子恤翻

丙辰南平元襄

王偉卒 丁巳魏以趙郡王諶爲太尉

諶氏壬翻

南陽王寶

炬爲太保 魏爾朱兆之入洛也

兆入洛見一百五十四卷二年

焚太

常樂庫鍾磬俱盡節閔帝詔錄尚書事長孫稚太常卿

祖瑩等更造之至是始成命曰大成樂 魏青州民耿

翔聚衆寇掠三齊

三齊因秦漢舊名言之

膠州刺史裴粲專事高

談不爲防禦夏四月翔掩襲州城

魏永安二年置膠州治東武城領東武高

密平昌郡東武城今密州諸城縣是也

左右白賊至粲曰豈有此理左右

又言已入州門粲乃徐曰耿王來可引之聽事自餘部

衆且付城民翔斬之送首來降

降戶江翻下同

五月魏東徐

州民王早等殺刺史崔庠以下邳來降

考異曰梁帝紀六月己卯魏

建義城主蘭寶以下

邳城降今從魏書

六月壬申魏以驃騎大將軍樊

子鵠爲青膠大使督濟州刺史蔡儁等討耿翔

濟子禮翻

秋

七月魏師至青州翔棄城來奔詔以爲兗州刺史

壬

辰魏以廣陵王欣爲大司馬趙郡王諶爲太師庚戌以

前司徒賀拔允爲太尉

考異曰魏帝紀作賀拔渥按允字阿鞠渥蓋渥字誤爲渥耳

初賀拔岳遣行臺郎馮景詣晉陽丞相歡聞岳使至甚

喜

使疏
吏翻

曰賀拔公詎憶吾邪與景歃血約與岳爲兄弟

軟色
甲翻

景還言於岳曰歡姦詐有餘不可信也府司馬字

文泰自請使晉陽

使疏
吏翻

以觀歡之爲人歡奇其狀貌曰

此兒視瞻非常將留之泰固求復命歡既遣而悔之發

驛急追至關不及而返

項羽不殺沛公曹操之遣劉備
桓玄之容劉裕類如此耳有天

命者固非人
之所能圖也

泰至長安謂岳曰高歡所以未篡者止憚

公兄弟耳侯莫陳悅之徒非所忌也公但潛爲之備圖

歡不難今費也頭控弦之騎不下一萬夏州刺史斛拔

彌俄突勝兵三千餘人

勝音升

靈州刺史曹泥河西流民

紇豆陵伊利等各擁部衆未知所屬公若引軍近隴

近其

靳翻隴

坂也扼其要害震之以威懷之以惠可收其士馬以

資吾軍西輯氏羌北撫沙塞

靈夏塞外北臨沙漠

還軍長安匡輔

魏室此桓文之舉也

舉一作功

岳大悅復遣泰詣洛陽請事

密陳其狀

復扶又翻

魏主喜加泰武衛將軍使還報八月帝

以岳爲都督雍華等二十州諸軍事雍州刺史

魏泰和十一年

分雍州置華州領華山澄城白水郡二十州雍華東華岐南岐豳原河渭涇夏東夏秦南秦梁南梁東梁巴益

東益也雍於用
翻華戶化翻

又割心前血遣使者齎以賜之

使疏吏翻

岳

遂引兵西屯平涼以牧馬爲名

所謂近隴也

斛拔彌俄突紇

豆陵伊利及費也頭万俟受洛干鐵勒斛律沙門等皆

附於岳

紇下沒翻万莫北翻俟渠之翻

唯曹泥附於歡秦南秦河渭四

州刺史同會平涼受岳節度岳以夏州被邊要重

夏戶雅翻

被皮義翻

欲求良刺史以鎮之衆舉宇文泰岳曰宇文左丞

吾左右手何可廢也沈吟累日卒表用之

沈持林翻卒子恤翻

九月癸酉魏丞相歡表讓王爵不許請分封邑十萬戶

頒授勲義

勲義謂自信都從起義討爾朱有功勲者也

從之

冬十月庚申

以尚書右僕射何敬容爲左僕射吏部尚書謝舉爲右

僕射十一月癸巳魏以殷州刺史中山邸珍爲徐州

大都督東道行臺僕射以討下邳

邳姓也風俗通漢有上郡太守邸杜討王

也十二月丁巳魏主狩於嵩高已巳幸溫湯

歷嵩高而南唯

汝州梁縣有溫湯耳

丁丑還宮

魏荊州刺史賀拔勝寇雍州

此梁

之雍州拔下邳戍

邳側百翻亦作茆

扇動諸蠻雍州刺史廬陵

王續遣軍擊之屢爲所敗

敗蒲賣翻

漢南震駭勝又遣軍攻

馮翊安定沔陽鄮城皆拔之

五代志竟陵郡藍水縣僑立馮翊郡沔陽郡後爲復

州襄陽郡陰城縣舊置鄮城郡蕭子顯齊志寧蠻府所

領郡有安定郡領新安等縣五代志新安縣并入襄陽

郡南漳縣當是置安定僑郡於南漳界也藍水唐并入

郢州長壽縣陰城并入穀城縣沈約志馮翊郡治襄陽

郡郿縣沔彌續遣電威將軍柳仲禮屯穀城以拒之

五代

究翻鄮音贊

續遣電威將軍柳仲禮屯穀城以拒之

志穀城縣屬襄陽郡

舊曰義城置義城郡勝攻之不克乃還於是沔北盪爲

丘墟矣

盪徒朗翻

仲禮慶遠之孫也

柳慶遠見一百四十三卷齊東昏侯永元二年

魏丞相歡惠賀拔岳侯莫陳悅之彊右丞翟嵩曰嵩

能間之

間古覓翻

使其自相屠滅歡遣之歡又使長史侯景

招撫紇豆陵伊利利不從

六年春正月壬辰魏丞相歡擊伊利於河西擒之遷其

部落於河東

河西五原河之西也河東亦五原河之東

魏主讓之曰伊利不

侵不叛爲國純臣

左傳戎子駒支曰爲先君不侵不叛之臣

王忽伐之詎有

一介行人先請之乎

魏東梁州民夷作亂

魏收志東梁州領金

城直城安康魏明郡五代志西城郡舊置東梁州金城即今金州城也東梁州治焉

二月詔以行

東雍州事豐陽泉企討平之

魏世祖置東雍州於平陽太和中罷孝昌中於平陽

置唐州以唐堯都平陽因以名州建義初改爲晉州未嘗復置東雍州也五代志曰雍州鄭縣後魏置東雍州

參考魏收志鄭縣時已屬華州界未知此東雍州置於何地也魏收志豐陽縣屬上庸郡太安二年置姓譜曰國語潞泉余滿皆赤狄隗姓又吳全琮孫惲降魏封南陽食邑白水因爲泉氏企去智翻考異曰北史作泉公今從

企世爲商洛豪族

商洛指漢古縣商縣上洛縣而言也隋志上洛郡有商洛

縣

魏世祖以其曾祖景言爲本縣令封丹水侯使其子

孫襲之

壬戌魏大赦

癸亥上耕籍田大赦

魏永

寧浮圖災觀者皆哭聲振城闕

魏起永寧浮圖見一百四十八卷天監十五年

史言末俗深信浮圖以至於此振之印翻

魏賀拔岳將討曹泥使都督武

川趙貴至夏州與宇文泰謀之泰曰曹泥孤城阻遠未

足爲憂侯莫陳悅貪而無信宜先圖之岳不聽

曹泥附高歡岳

不從宇文泰之言急於致討蓋欲報高歡禽伊利之役耳亦忿兵也

召悅會於高平與共

討泥悅既得翟嵩之言乃謀取岳岳數與悅宴語

數所角翻

長史武川雷紹諫不聽岳使悅前行至河曲

河曲在靈州西河千

里一曲河水自澆河至漢胸卷古縣率東北流至富平始曲而北流所謂河曲也富平唐靈州地

悅誘

岳入營坐論軍事

誘音酉

悅陽稱腹痛而起其壻元洪景

拔刀斬岳岳左右皆散走悅遣人諭之云我別受旨止

取一人諸君勿怖

怖普布翻

衆以爲然皆不敢動而悅心猶

豫不即撫納乃還入隴屯水洛城

我朝以渭州籠竿城置德順軍水洛城在

軍西一百里

岳衆散還平涼趙貴詣悅請岳尸葬之悅許之

岳既死悅軍中皆相賀行臺郎中薛慙私謂所親曰悅

才畧素寡輒害良將吾屬今爲人虜矣何賀之有慙真

度之從孫也

慙直陵翻將即亮翻薛真度見一百三十九卷齊明帝建武元年

岳衆未

有所屬諸將以都督武川寇洛年最長

長知兩翻

推使總諸

軍洛素無威畧不能齊衆乃自請避位趙貴曰宇文夏

州英畧冠世

冠古玩翻

遠近歸心賞罰嚴明士卒用命若迎

而奉之大事濟矣諸將或欲南召賀拔勝或欲東告魏

朝

朝直遙翻

猶豫不決都督盛樂杜朔周曰

盛樂前漢之成樂縣也屬定襄

郡後漢屬雲中郡魏晉省後魏先世園陵在焉魏收志永熙中置盛樂郡雲中治所魏土地記雲中城東八十里有盛樂城宋白曰後魏所都盛樂唐爲振武軍遠水不救近火今日之事非

宇文夏州無能濟者趙將軍議是也朔周請輕騎告哀

且迎之

騎奇計翻

衆乃使朔周馳至夏州召泰泰與將佐賓

客共議去留前太中大夫潁川韓褒曰此天授也又何

疑乎侯莫陳悅井中蛙耳使君往必擒之衆以爲悅在

水洛去平涼不遠若已有賀拔公之衆則圖之實難願

且留以觀變泰曰悅既害元帥

帥所類翻

自應乘勢直據平

涼而退據水洛吾知其無能爲也夫難得易失者時也

用漢蒯徹語意易以鼓翻

若不早赴衆心將離夏州首望都督彌姐

元進陰謀應悅

姐音紫又子也翻彌姐元進之族爲州之首望官又爲都督彌姐羌複姓

泰

知之與帳下都督高平蔡祐謀執之祐曰元進會當反

噬不如殺之泰曰汝有大決

言能決大計也

乃召元進等入計

事泰曰隴賊逆亂當與諸人戮力討之諸人似有不同

者何也祐即被甲持刀直入

被皮義翻

瞋目謂諸將曰

瞋七人翻

朝謀夕異何以爲人今日必斷姦人首舉坐皆叩頭曰

斷丁管翻

願有所擇祐乃叱元進斬之并誅其黨因與

坐徂卧翻

諸將同盟討悅泰謂祐曰吾今以爾爲子爾其以我爲

父乎泰與帳下輕騎馳赴平涼令杜朔周帥衆先據彈

箏峽

杜佑曰彈箏峽在今原州之百泉縣即漢朝那縣地九域志渭州都盧峽即彈箏峽也水經云都盧

山峽之內常有彈箏之聲又云弦歌之山峽口水流風吹摧響有似音韻也騎奇計翻帥讀曰率

時民

間惶懼逃散者多軍士爭欲掠之朔周曰宇文公方伐

罪討民奈何助賊爲虐乎撫而遣之遠近悅附泰聞而

嘉之朔周本姓赫連曾祖庫多汗避難改焉

汗音寒難乃旦翻

泰命復其舊姓名之曰達丞相歡使侯景招撫岳衆泰

至安定遇之謂曰賀拔公雖死宇文泰尚存卿何爲者

景失色曰我猶箭耳唯人所射

射食亦翻英雄之姿表與其舉措必有異乎人

者以侯景之凶狡宇文泰一語折之辭氣俱下

良有以哉李密見唐太宗不覺驚服事亦類此

遂還侯景

不敢前至平涼

泰至平涼哭岳甚慟將士皆悲喜歡復使侯景

與散騎常侍代郡張華原義寧太守太安王基勞泰

魏收

志建義元年置義寧郡治孤遠城屬晉州五代志上黨郡沁源縣後魏置義寧郡又延和二年置太安郡於漢五原界屬朔州復扶又翻勞力到翻下慰勞同泰不受欲劫留之曰留則共享

富貴不然命在今日華原曰明公欲脅使者以死亡此非華原所懼也泰乃遣之基還言泰雄傑請及其未定擊滅之歡曰卿不見賀拔侯莫陳乎吾當以計拱手取之魏主聞岳死遣武衛將軍元毗慰勞岳軍名還洛陽并召侯莫陳悅毗至平涼軍中已奉宇文泰爲主悅既附丞相歡不肯應召泰因元毗上表稱臣岳忽罹非命

都督寇洛等今臣權掌軍事奉詔召岳軍入京今高歡

之衆已至河東

亦謂五原河之東

侯莫陳悅猶在水洛士卒多

是西人顧戀鄉邑若逼令赴闕悅躡其後歡邀其前恐

敗國殄民所損更甚

此雖泰不就徵而爲之辭而亦事勢所必致也敗補賣翻

乞少

賜停緩

少詩召翻

徐事誘導漸就東引

誘音西

魏主乃以泰爲

大都督即統岳軍初岳以東雍州刺史李虎爲左廂大

都督

雍於用翻

岳死虎奔荊州說賀拔勝使收岳衆

說式芮翻

勝

不從虎聞宇文泰代岳統衆乃自荊州還赴之至閔鄉

閬鄉在漢湖縣界隋改湖城縣爲閬鄉縣閬音是以李
虎自荊州往返之地里考之則魏東雍州時置於鄭縣

爲丞相歡別將所獲

將即亮翻

送洛陽魏主方謀取關中得

虎甚喜拜衛將軍厚賜之使就泰虎歆之玄孫也

涼王李歆

爲沮渠蒙遜所滅

泰與悅書責以賀拔公有大功於朝廷君名

微行薄

行下孟翻

賀拔公薦君爲隴右行臺又高氏專權君

與賀拔公同受密旨屢結盟約而君黨附國賊共危宗

廟口血未乾

乾音干

七首已發今吾與君皆受詔還闕今

日進退唯君是視君若下隴東邁吾亦自北道同歸

平涼

在隴山之北取

道涇州東赴洛若首鼠兩端吾則指日相見

言進兵討悅也左傳

曰詰朝相見

魏主問泰以安秦隴之策泰表言宜召悅授以

內官或處以瓜涼一藩

魏以燉煌郡爲瓜州武威郡爲涼州處昌呂翻

不然終

爲後患原州刺史史歸素爲賀拔岳所親任河曲之變

反爲悅守

反爲於偽翻

悅遣其黨王伯和成次安將兵二千

助歸鎮原州

魏太延二年置高平鎮正光五年改置原州治高平城領高平長城二郡

泰遣

都督侯莫陳崇帥輕騎一千襲之

帥讀曰率騎奇計翻

崇乘夜將

十騎直抵城下餘衆皆伏於近路歸見騎少不設備

少詩

沼翻崇即入據城門高平令隴西李賢及弟遠穆在城中

爲崇內應於是中外鼓譟伏兵悉起遂擒歸及次安伯和等歸於平涼泰表崇行原州事三月泰引兵擊悅至原州衆軍畢集夏四月癸丑朔日有食之魏南秦

州刺史隴西李弼說侯莫陳悅曰賀拔公無罪而公害之又不可不撫納其衆今奉宇文夏州以來聲言爲主報讎此其勢不可敵也宜解兵以謝之不然必及禍悅不從宇文泰引兵上隴

說式芮翻爲於
偽翻上時掌翻

留兄子導爲都督鎮

原州泰軍令嚴肅秋毫無犯百姓大悅軍出木狹關

狹當

作峽唐志原州平高

縣西南有木峽關

雪深二尺

深式禁翻

泰倍道兼行出其

不意悅聞之退保畧陽

晉武帝分天水置畧陽郡至隋廢郡爲隴城縣

留萬人

守水洛泰至水洛即降泰遣輕騎數百趣畧陽

降戶江翻趣七

喻翻悅退保上邽召李弼與之拒泰弼知悅必敗陰遣使

詣泰請爲內應悅棄州城南保山險

秦州治上邽城使疏吏翻

弼謂

所部曰侯莫陳公欲還秦州汝輩何不裝束弼妻悅之

姨也衆咸信之爭趣上邽弼先據城門以安集之遂舉

城降秦秦即以弼爲秦州刺史其夜悅出軍將戰軍自

驚潰悅性猜忌既敗不聽左右近已

近其靳翻下於近同

與其二

弟并子及謀殺岳者七八人棄軍迸走

迸北諍翻

數日之中

盤桓往來不知所趣

趣向也七喻翻

左右勸向靈州依曹泥悅

從之自乘騾

騾雷戈翻

令左右皆步從

從才用翻

欲自山中趣靈

州宇文泰使原州都督賀拔穎追之悅望見追騎縊死

於野

騎奇計翻縊於賜翻又於計翻

泰入上邽引薛澄爲記室參軍收

悅府庫財物山積泰秋毫不取皆以賞士卒左右竊一

銀甕以歸泰知而罪之即剖賜將士悅黨幽州刺史孫

定兒據州不下有衆數萬泰遣都督中山劉亮襲之定

兒以大軍遠不爲備亮先豎一燾於近城高嶺

豎而主翻立也

燾徒到翻又徒沃翻今軍中大皂旗名曰皂燾

自將二十騎馳入城定兒方置

酒猝見亮至駭愕不知所爲

愕五各翻

亮麾兵斬定兒遙指

城外燾命二騎曰出召大軍城中皆懾服莫敢動

懾之涉翻

先是故氏王楊紹先乘魏亂逃歸武興復稱王

魏執楊紹先見

一百四十六卷天監五年先悉薦翻復扶又翻

涼州刺史李叔仁爲其民所執

氏羌吐谷渾所在蜂起自南岐至瓜鄯

吐從傲入聲谷音浴鄯上扇翻又

音善跨州據郡者不可勝數宇文泰令李弼鎮原州夏州

刺史拔也惡虵鎮南秦州

拔也惡虵自夏州徙鎮南秦勝音升拔也虵複姓虵七吏

翻渭州刺史可朱渾道元鎮渭州

爲可朱渾道元奔高歡張本可朱渾虜三

字衛將軍趙貴行秦州事徵幽涇東秦岐四州之粟以

給軍楊紹先懼稱藩送妻子爲質

質音致

夏州長史于謹

言於泰曰明公據關中險固之地將士驍勇

驍堅堯翻

土地

膏腴今天子在洛迫於羣兇若陳明公之懇誠算時事

之利害請都關右挾天子以令諸侯奉王命以討叛亂

此桓文之業千載一時也泰善之

于謹間關兵中有年矣今乃遇宇文氏卒

以功名自見豈所謂知己者邪抑際遇自有時也然謹事廣陽王深所陳策畫不過隨時設變今事宇文泰則勉之以迎天子而成興王之業蓋知宇文泰之才足以有爲所謂量而後入也載子亥翻丞相歡聞

泰定秦隴遣使甘言厚禮以結之

使疏吏翻

泰不受封其書

使都督濟北張軌獻於魏主

濟子禮翻

斛斯椿問軌曰高歡

逆謀行路皆知之人情所恃唯在西方未知宇文何如

賀拔

言泰之才視賀拔岳爲何如也

軌曰宇文公文足經國武能定亂

椿曰誠如君言真可恃也魏主命泰發二千騎鎮東雍

州助爲勢援

時置東雍州於華州鄭縣

仍命泰稍引軍而東泰以大

都督武川梁禦爲雍州刺史使將步騎五千前行先是

丞相歡遣其都督太安韓軌將兵一萬據蒲反以救侯

莫陳悅

先悉薦翻將即亮翻

雍州刺史賈顯度以舟迎之梁禦見

顯度說使從泰

說式芮翻

顯度即出迎禦禦入據長安魏主

以泰爲侍中驃騎大將軍開府儀同三司關西大都督

畧陽縣公

驃匹妙翻騎奇計翻

承制封拜泰乃以寇洛爲涇州刺

史李弼爲秦州刺史前畧陽太守張獻爲南岐州刺史

南岐州刺史盧待伯不受代泰遣輕騎襲而擒之

史言宇文

泰所以能定霸侍中封隆之言於丞相歡曰斛斯椿等今在京

師必構禍亂隆之與僕射孫騰爭尚魏主妹平原公主

公主歸隆之騰泄其言於椿椿以白帝隆之懼逃還鄉

里歡召隆之詣晉陽會騰帶仗入省擅殺御史懼罪亦

逃就歡領軍婁昭辭疾歸晉陽

高歡所親無在洛者矣

帝以斛斯

椿兼領軍改置都督及河南關西諸刺史華山王鷲在

徐州歡使大都督郎珍奪其管鑰

去年歡使郎珍督徐州討下邳因奪其城

華戶化翻

建州刺史韓賢濟州刺史蔡儁皆歡黨也

濟子禮翻

帝

省建州以去賢

建州當太行路自晉陽入洛之要道也省州去賢不特銷歡黨亦去歡南道主

人也去音

使御史舉儁罪以汝陽王叔昭代之歡上言

羌呂翻

儁勲重不可解奪汝陽懿德當受大藩臣弟永寶猥任

定州

北史歡弟琛字元寶永恐當作元

宜避賢路帝不聽五月丙子魏

主增置勲府庶子廂別六百人又增騎官廂別二百人

勲府庶子及騎官皆宿衛者也騎奇計翻

魏主欲伐晉陽

高歡時居晉陽

辛卯下詔

戒嚴云欲自將伐梁

將即亮翻下同

發河南諸州兵大閱於洛

陽南臨洛水北際邙山帝戎服與斛斯椿臨觀之六月

丁巳魏主密詔丞相歡稱宇文黑獺賀拔勝頗有異志

宇文泰字黑獺

故假稱南伐潛爲之備王亦宜共爲形援讀訖

燔之歡表以爲荆雍將有逆謀

荆謂賀拔勝雍謂宇文泰雍於用翻

臣今

潛勒兵馬三萬自河東渡又遣恒州刺史庠狄干等將

兵四萬自來違津渡

恒戶登翻自恒州渡來違津其地當在平城之西河津之要也自此

渡河至夏州

考異曰丘悅三國典

畧作朱違津今從北齊書及北史

領軍將軍婁昭等

將兵五萬以討荊州冀州刺史尉景等將山東兵七萬

突騎五萬以討江左皆勒所部伏聽處分

處昌呂翻分扶問翻

帝

知歡覺其變乃出歡表令羣臣議之欲止歡軍歡亦集

并州僚佐共議

高歡建大丞相府於并州僚佐皆從居之

還以表聞仍云臣

爲嬖佞所間

嬖卑義翻又博計翻間古覓翻

陛下一旦賜疑臣若敢負

陛下使身受天殃子孫殄絕陛下若垂信赤心使干戈

不動佞臣一二人願斟量廢出

斟酌也量度也斟量猶今人言酌量也量音良

出當作黜丁卯帝使大都督源子恭守陽胡

陽胡即陽壺城在邵郡白水縣

白水漢河東之垣縣也水經注曰白水逕垣縣故城東北又東南逕陽壺城東城即垣縣之壺丘亭白水又東南流注于河按陽壺即峭谷之北岸魏主欲入關故先使子恭守之以防歡邀截汝陽王暹守石

濟又以儀同三司賈顯智爲濟州刺史帥豫州刺史斛

斯元壽東趣濟州

濟子禮翻帥讀曰率趣七喻翻

元壽椿之弟也蔡儁

不受代帝愈怒辛未帝復錄洛中文武議意以答歡

復扶

又翻且使舍人溫子昇爲勅賜歡曰朕不勞尺刃坐爲天

子所謂生我者父母貴我者高王今若無事背王規相

攻討

背蒲妹翻規圖也

則使身及子孫還如王誓近慮宇文爲

亂賀拔應之故戒嚴欲與王俱爲聲援今觀其所爲更
無異迹東南不賓爲日已久今天下戶口減半未宜窮
兵極武朕既闇昧不知佞人爲誰頃高乾之死豈獨朕
意

言歡亦惡乾封上其所論時事故因殺之

王忽對昂言兄枉死人之耳目

何易可輕如聞庫狄干語王云本欲取懦弱者爲主無
事立此長君使其不可駕御今但作十五日行自可廢
之更立餘者

易弋豉翻語牛倨翻長知兩翻更工行翻

如此議論自是王間

勲人豈出佞臣之口去歲封隆之叛今年孫騰逃去不

罪不送誰不怪王

言歡既不加二人以罪又不械送洛陽也

王若事君盡誠

何不斬送二首王雖啓云西去

西去言將西攻宇文泰也

而四道俱

進或欲南度洛陽或欲東臨江左

四道俱進謂河東來達津及婁昭尉景之

兵也婁昭討荊州尉景臨江左皆南指洛陽河東來達津之兵則牽制宇文泰使不得東下高歡之計實出於此魏主窺見其心術而言之言之者猶應自怪聞之者寧能不疑王

若晏然居北在此雖有百萬之衆終無圖彼之心王若舉旗南指縱無匹馬隻輪猶欲奮空拳而爭死朕本寡德王已立之百姓無知或謂實可若爲他人所圖則彰

朕之惡假令還爲王殺幽辱虀粉了無遺恨本望君臣一體若合符契不圖今日分踈至此

今人猶謂辨析爲分踈

中軍

將軍王思政言於魏主曰高歡之心昭然可知洛陽非用武之地宇文泰乃心王室今往就之還復舊京何慮不克帝深然之遣散騎侍郎河東柳慶見泰於高平共論時事泰請奉迎輿駕慶復命帝復私謂慶曰

復扶又翻

朕

欲向荊州何如慶曰關中形勝宇文泰才畧可依荊州地非要害南迫梁寇臣愚未見其可帝又問閣內都督

宇文顯和

時南北朝皆有直閭將軍魏又置閭內都督用斛斯椿之言也

顯和亦勸帝

西幸時帝廣徵州郡兵東郡太守河東裴俠帥所部詣

洛陽

俠戶頻翻帥讀曰率

王思政問曰今權臣擅命王室日卑奈

何俠曰宇文泰爲三軍所推居百二之地

漢書田肯曰秦形勝之國

也帶河阻山懸隔千里持戟百萬秦得百二焉蘇林注曰百二得百萬中之二萬人也秦地險固二萬人足當諸侯百萬人也所謂已操戈矛寧肯授人以柄雖欲投之恐無

異避湯入火也思政曰然則如何而可俠曰圖歡有立至之憂西巡有將來之慮且至關右徐思其宜耳思政

然之乃進俠於帝授左中郎將

將即亮翻

初丞相歡以洛陽

久經喪亂欲遷都於鄴帝曰高祖定鼎河洛爲萬世之

基王既功存社稷宜遵太和舊事歡乃止至是復謀遷

都

復扶又翻

遣三千騎鎮建興

慕容永分上黨置建興郡魏爲建州騎奇計翻

益河

東及濟州兵擁諸州和糴粟悉運入鄴城

和糴以充軍食蓋始於此

焉歷唐至宋而民始不勝其病矣濟子禮翻

帝又勅歡曰王若厭伏人情

厭於

協翻又如字

杜絕物議唯有歸河東之兵罷建興之戍送相

州之粟

相州治鄴城相悉亮翻

追濟州之軍使蔡雋受代邸珍出

徐止戈散馬各事家業脫須糧廩別遣轉輸則讒人結

舌疑悔不生王高枕太原

枕職任翻

朕垂拱京洛矣王若馬

首南向問鼎輕重朕雖不武爲社稷宗廟之計欲止不

能決在於王非朕能定爲山止簣相爲惜之

書旅焚曰爲山九仞

功虧一簣孔安國注云論向成也未成一簣猶不爲山論語孔子曰譬如爲山未成一簣止吾止也相爲音於

偽翻歡上表極言宇文泰斛斯椿罪惡帝以廣寧太守廣

寧任祥兼尚書左僕射加開府儀同三司祥棄官走渡

河據郡待歡

魏收志廣寧郡屬朔州領石門中川二縣五代志馬邑郡善陽縣後齊置廣寧郡孝

昌以來寄治并州界時歡在并州祥當直走就歡不必
據郡以待歡之南也又按五代志建州沁水縣舊置廣
寧郡祥所據者蓋沁水之廣寧也
若其鄉里則當在朔州之廣寧

帝乃勅文武官北來

者任其去留遂下制書數歡咎惡

數所具翻

召賀拔勝赴行

在所勝以問太保掾范陽盧柔柔曰高歡悖逆公席卷

赴都與決勝負死生以之上策也

掾於絹翻悖蒲沒翻又蒲內翻卷讀曰捲

北阻魯陽南并舊楚

江陵舊楚之郢都在其界內

東連兗豫西引關

中帶甲百萬觀豐而動中策也

豐許靳翻

舉三荆之地庇身

於梁功名皆去下策也勝笑而不應

賀拔勝既不能勤王又不能保境挺

身奔梁卒如盧柔所料原勝之心以柔書生故易其言殊不知博觀往迹默察時變以坐論勝敗則書生之見固非武夫健將之所能及也

帝以宇文泰兼尚書僕射爲關西大行

臺許妻以馮翊長公主

妻七細翻長知兩翻

謂泰帳內都督秦郡

楊荐曰

考魏收地形志魏無秦郡五代志曰扶風雍縣後魏置秦平郡又雍州醴泉縣後魏曰寧夷西

魏置寧夷郡後周改曰秦郡

卿歸語行臺

語牛倨翻

遣騎迎我以荐爲直

閭將軍泰以前秦州刺史駱超爲大都督將輕騎一千

赴洛又遣荐與長史宇文側出關候接

候接魏主也

丞相歡

召其弟定州刺史琛使守晉陽

琛丑林翻

命長史崔暹佐之

遲挺之子也

通鑑以此別爲破六韓拔陵所敗之崔遲

歡勒兵南出告其衆

曰孤以爾朱擅命建大義於海內奉戴主上

事見上卷四年誠

貫幽明橫爲斛斯椿讒構

橫戶孟翻

以忠爲逆今者南邁誅

椿而已以高敖曹爲前鋒宇文泰亦移檄州郡數歡罪

惡

數所具翻

自將大軍發高平前軍屯弘農

將即亮翻

賀拔勝軍

於汝水

賀拔勝蓋出魯陽屯襄城界僅越境而止耳

秋七月己丑魏主親勒

兵十餘萬屯河橋以斛斯椿爲前驅陳於邙山之北椿

請帥精騎二千夜度河掩其勞弊

陳讀曰陣帥讀曰率騎奇計翻

帝始

然之黃門侍郎楊寬說帝曰

說式芮翻

高歡以臣伐君何所

不至今假兵於人恐生他變椿若度河萬一有功是滅

一高歡生一高歡矣帝遂勅椿停行椿歎曰頃熒惑入

南斗

晉天文志曰南斗六星天廟也將有天子之事占於斗熒惑罰星入之天子不安其位後所謂天子

下殿走是也

今上信左右間構

間古覓翻

不用吾計豈天道乎宇

文泰聞之謂左右曰高歡數日行八九百里此兵家所

忌當乘便擊之而主上以萬乘之重

乘成正翻

不能度河決

戰方緣津據守且長河萬里扞禦爲難若一處得度大

事去矣即以大都督趙貴爲別道行臺自蒲反濟趣并

州別道而進示將擬高遣大都督李賢將精騎一千赴

洛陽以迎魏主也帝使斛斯椿與行臺長孫稚大都督

穎川王斌之鎮虎牢行臺長孫子彥鎮陝斌音彬陝式冉翻賈

顯智斛斯元壽鎮滑臺斌之鑒之弟安樂王鑒見一百五十卷普通五年

子彥稚之子也歡使相州刺史竇泰趣滑臺相息亮翻建州

刺史韓賢趣石濟竇泰與顯智遇於長壽津水經河水右逕滑臺

城又東北逕涼城縣又東北爲長壽津述征記曰涼城到長壽津六十里顯智陰約降於歡

引軍退

降戶江翻下同

軍司元玄覺之馳還請益師帝遣大都

督侯幾紹赴之

魏書官氏志內入諸姓有侯幾氏

戰於滑臺東顯智以

軍降紹戰死北中郎將田怙爲歡內應歡潛軍至野王

帝知之斬怙

五代志河內郡治河內縣舊曰野王

歡至河北十餘里

自野王進

兵距河纔十餘里

再遣使口申誠款帝不報

使疏吏翻

丙午歡引軍

渡河魏主問計於羣臣或欲奔梁或云南依賀拔勝或

云西就關中或云守洛口死戰

洛水過鞏縣東而北入於河謂之洛口

計

未決元斌之與斛斯椿爭權棄椿還給帝云高歡兵已

至

考異曰魏書斛斯椿傳云椿懼已不免復啓出帝假說遊聲以劫脅帝帝信之遂入關按齊高祖舉兵

向洛而云椿劫脅帝不亦誣乎此乃魏收欲堵齊人重椿之罪耳今從齊書高祖紀及北史椿傳

丁未

帝遣使召椿還遂帥南陽王寶炬清河王亶廣陽王湛

以五千騎宿於瀍西南陽王別舍沙門惠臻負璽持千

牛刀以從

帥讀曰率璽斯氏翻從才用翻

衆知帝將西出其夜亡者過

半亶湛亦逃歸湛深之子也

廣陽王深爲葛榮所殺

武衛將軍雲

中獨孤信單騎追帝

令孤德榮曰獨孤部與魏俱起三十六大姓之一也

帝歎曰

將軍辭父母捐妻子而來世亂識忠臣豈虛言也戊申

帝西奔長安李賢遇帝於崤中

陝有三崤之山魏太和十一年置崤縣屬恒農

郡

已酉歡入洛陽舍於永寧寺遣領軍婁昭等追帝請

帝東還長孫子彥不能守陝棄城走高敖曹帥勁騎追

帝至陝西不及

陝西陝城之西也

帝鞭馬長騫糗漿乏絕

騫音務糗

去久翻熬米麥爲之鄭玄曰漿酢載周官漿人掌之

三二日間從官唯飲澗水

從才

用翻至湖城有王思村民以麥飯壺漿獻帝帝悅復一村

十年至稠桑

湖城即漢湖縣城湖城西有稠桑驛復方目翻

潼關大都督毛鴻

賓迎獻酒食從官始解饑渴八月甲寅丞相歡集百官

謂曰爲臣奉主匡救危亂若處不諫爭出不陪從

處昌呂翻

爭讀曰諍從才用翻

緩則耽寵爭榮急則委之逃竄臣節安在衆

莫能對兼尚書左僕射辛雄曰主上與近習圖事雄等

不得預聞及乘輿西幸

乘繩正翻

若即追隨恐跡同佞黨留

待大王又以不從蒙責雄等進退無所逃罪歡曰卿等

備位大臣當以身報國羣佞用事卿等嘗有一言諫爭

乎使國家之事一朝至此罪欲何歸乃收雄及開府儀

同三司叱列延慶兼吏部尚書崔孝芬都官尚書劉廙

兼度支尚書天水楊機散騎常侍元士弼皆殺之

歡責
辛雄

等以罪而殺之亦以去魏朝之望將以樹其私黨耳

許金翻度徒洛翻孝芬子司徒從事

中郎猷間行入關魏主使以本官奏門下事

凡事經門下者使之

聞奏也間古覓翻

歡推司徒清河王亶爲大司馬承制決事居

尚書省宇文泰使趙貴梁禦帥甲騎二千奉迎帝循河

西行謂禦曰此水東流而朕西上若得復見洛陽親詣

陵廟卿等功也帝及左右皆流涕泰備儀衛迎帝謁見

於東陽驛

水經志渭水過長安城北又東過新豐東合西陽水又東合東陽水二水並南出廣鄉原

上時掌翻復扶又

翻謁見賢過翻 免冠流涕曰臣不能式遏寇虐

詩曰

寇虐無

俾作慝使乘輿播遷臣之罪也

乘成

帝曰公之忠節著

於遐邇朕以不德負乘致寇

易曰負且乘致寇至負也者小人之事也乘也者君

子之器也小人而乘君子之器盜思奪之矣

今日相見深用厚顏

鄭玄曰顏之厚者不

知慚

於人方以社稷委公公其勉之將士皆呼萬歲遂入長

安以雍州解舍爲宮

解居隘翻公宇也

大赦以秦爲大將軍雍

州刺史兼尚書令

雍於

軍國之政咸取決焉別置二尚

書分掌機事以行臺尚書毛遐周惠達爲之時軍國草

創二人積糧儲治器械簡士馬魏朝賴之

治直之翻
朝直遙翻

泰

尚馮翊長公主拜駙馬都尉

漢武帝置奉車駙馬騎三都尉魏晉以來尚主者例

拜駙馬都尉

長知兩翻

先是熒惑入南斗去而復還留止六旬上

以諺云熒惑入南斗天子下殿走乃跣而下殿以禳之

鄭玄曰却變曰

禳先悉見翻

及聞魏主西奔慚曰虜亦應天象邪

己未武興王楊紹先爲秦南秦二州刺史

己未之下當有以字梁書

然亦辛酉魏丞相歡自追迎魏主戊辰清河王亶下制

大赦歡至弘農九月癸巳使行臺僕射元子思帥侍官

迎帝

帥讀曰率下同

已酉攻潼關克之擒毛鴻寶進屯華陰長

城

此城戰國時魏築長城自鄭濱洛者也華戶化翻

龍門都督薛崇禮以城降

歡

魏收志華山郡夏陽縣有龍門山水經注河水出龍門口蓋兩山夾河故謂之龍門大禹所鑿也後魏置

龍門郡龍門縣屬南汾州隋廢龍門郡以龍門縣屬河東郡此即河東之龍門也西對夏陽之龍門山降戶江

翻

賀拔勝使長史元頴行荊州事守南陽自帥所部西

赴關中至淅陽

漢析縣屬弘農郡宋永初志屬順陽郡魏收志析陽郡屬析州五代志析州內

鄉縣舊置淅陽郡淅思歷翻

聞歡已屯華陰欲還行臺左丞崔謙曰

今帝室顛覆主上蒙塵公宜倍道兼行朝於行在

朝直遙翻

然後與宇文行臺同心戮力唱舉大義天下孰不望風響應今捨此而退恐人人解體一失事機後悔何及勝不能用遂還歡屯河東使行臺長史薛瑜守潼關

考

異曰北史作薛瑾典畧作薛長瑜北齊帝紀作薛瑜今從北齊書

大都督庠狄溫守封

陵築城於蒲津西岍

水經注潼關直北隔河有層阜巍然獨秀孤峙河陽世謂之風陵蒲

津即河東郡蒲阪津也唐志蒲州河西縣有蒲津關河東縣南有風陵關以薛紹宗爲華州

刺史使守之

華戶化翻

以高敖曹行豫州事歡自發晉陽至

是凡四十啓魏主皆不報歡乃東還遣行臺侯景等引

兵向荊州荊州民鄧誕等執元頴以應景賀拔勝至景

逆擊之勝兵敗帥數百騎來奔

奔梁也通鑑以梁繫年故書來奔帥讀曰率騎

音奇計翻下同

魏主之在洛陽也密遣閭內都督河南趙剛

召東荊州刺史馮景昭帥兵入援兵未及發魏主西入

關景昭集府中文武議所從司馬馮道和請據州待北

方處分

北方謂高歡也處昌呂翻分扶問翻

剛曰公宜勒兵赴行在所天子

所至爲行在所

久之更無言者剛抽刀投地曰公若欲爲忠臣

請斬道和如欲從賊可速見殺景昭感悟即帥衆赴關

中侯景引兵逼穰城

謂攻元顓時也

東荊州民楊祖歡等起兵

以其衆邀景昭於路景昭戰敗剛沒蠻中

魏東荊州本蠻左所據之

地冬十月丞相歡至洛陽

考異曰齊書北史皆云九月庚寅還至洛陽按歡九月

已酉克潼關已酉九月二十九日也不容庚寅已還至洛陽庚寅乃九月十日也

又遣僧道榮

奉表於孝武帝曰陛下若遠賜一制許還京洛臣當帥

勒文武式清宮禁若返正無日則七廟不可無主萬國

須有所歸臣寧負陛下不負社稷帝亦不答歡乃集百

官耆老議所立時清河王亶出入已稱警蹕歡醜之乃

託以孝昌以來昭穆失序

昭讀爲韶
時昭翻

永安以孝文爲伯

考永熙遷孝明於夾室

敬宗尊其父彭城王勰爲皇帝
列於七廟以孝文爲伯考高歡

之立魏孝武改元永熙孝武自以於孝明帝兄弟也禮
兄弟不相入廟遂遷孝明帝主於夾室凡宗廟之制有

東西業喪祚短職此之由

喪息
亮翻

遂立清河世子善見爲

帝謂宣曰欲立王不如立王之子宣不自安輕騎南走

歡追還之丙寅孝靜帝即位於城東北

歡以善見者清
河王懌之孫於

孝明帝猶子也入繼大宗則昭穆順
遂立之城東北者洛陽城東北也

時年十一大赦改

元天平

魏自此分
爲東西

魏宇文泰進軍攻潼關斬薛瑜虜其

卒七千人還長安進位大丞相東魏行臺薛修義等度

河據楊氏壁

據薛端傳楊氏壁在龍門西岍當在華陰夏陽之間蓋華陰諸楊遇亂築壁以自守

因以爲名魏司空參軍河東薛端糾帥村民擊却東魏復取

楊氏

帥讀曰率下同復扶又翻

丞相泰遣南汾州刺史蘇景恕鎮之

魏汾州本治蒲子城孝昌中陷移治西河時西河已屬東魏故西魏僑置南汾州於楊氏壁

丁卯

以信武將軍元慶和爲鎮北將軍帥衆伐東魏 初魏

孝武既與丞相歡有隙齊州刺史侯淵兗州刺史樊子

鵠青州刺史東萊王貴平

元貴平封東萊王

陰相連結以觀時

變淵亦遣使通於歡所

使疏吏翻

及孝武帝入關清河王亶

承制以汝陽王暹爲齊州刺史暹至城西淵不時納城

民劉桃符等潛引暹入城淵帥騎出走妻子部曲悉爲

暹所虜行及廣里

司馬彪續漢志濟北郡盧縣有光里光廣聲相近也

會承制以

淵行青州事

承制言命出於清河王亶

歡遺淵書曰

遺於季翻

卿勿以部

曲單少憚於東行齊人澆薄唯利是從

少詩治翻澆堅堯翻

齊州

尚能迎汝陽王青州豈不能開門待卿也淵乃復東

復扶

又翻下同暹歸其妻子部曲貴平亦不受代淵襲高陽郡克

之

魏收志高陽郡故樂安地宋文帝置高陽郡屬冀州後入魏屬青州五代志青州北海縣舊曰下密置高

陽郡置累重於城中

累力瑞翻重直用翻

自帥輕騎遊掠於外貴平

使其世子帥衆攻高陽淵夜趣東陽

青州治東陽城

見州民餽

糧者給之曰臺軍已至殺戮殆盡我世子之人也脫走

還城汝何爲復往聞者皆棄糧走比曉

紹徒亥翻比必利翻及也

復

謂行人曰臺軍昨夜已至高陽我是前鋒今至此不知

侯公竟在何所城民恟懼遂執貴平出降

侯淵取韓樓亦用此術技

止此耳恟許勇翻

戊辰淵斬貴平傳首洛陽

庚午東魏以趙

郡王諶爲大司馬

諶世
壬翻

咸陽王坦爲太尉開府儀同三

司高盛爲司徒高敖曹爲司空坦樹之弟也

元樹奔梁
中大通四

年爲魏
所擒

丞相歡以洛陽西逼西魏南近梁境乃議遷鄴

書下三日即行

書謂歡所下書也
其靳翻下遐嫁翻

丙子東魏主發洛

陽四十萬戶狼狽就道收百官馬尚書丞郎已上非陪

從者盡令乘驢歡留後部分事畢還晉陽

從才用翻
分扶問翻

改

司州爲洛州以尚書令元弼爲洛州刺史鎮洛陽

魏明
元帝

取洛陽置洛州孝文帝徙都洛太和十七年改爲司州
高歡既逼東魏主遷鄴改相州爲司州復以洛陽改爲

洛州以行臺尚書司馬子如爲尚書左僕射與右僕射高

隆之侍中高岳孫騰留鄴共知朝政朝直遙翻詔以遷民貲

產未立出粟一百三十萬石以賑之賑之恐翻十一月兗州

刺史樊子鵠據瑕丘以拒東魏南青州刺史大野拔帥

衆就之大野虜複姓庚寅東魏主至鄴居北城相州之解改

相州刺史爲司州牧東魏司州領魏陽平廣平汲廣宗東郡北廣平林慮頓丘濮陽黎陽

清河郡相息亮魏郡太守爲魏尹後北齊改魏尹爲清都尹是時六

坊之衆從孝武帝西行者不及萬人魏蓋以宿衛之士分爲六坊餘

皆北徙竝給常廩春秋賜帛以供衣服

養兵之害始此

乃於常

調之外

調徒帛翻

隨豐稔之處折絹糴粟以供國用

十二

月魏丞相泰遣儀同李虎李弼趙貴擊曹泥於靈州

閏月元慶和克瀨鄉而據之

司馬彪續漢志陳國苦縣有賴鄉老子所居也晉苦

縣屬梁國後魏并苦縣入陳留谷陽縣

魏孝武帝閨門無禮從妹不嫁

者三人

從才用翻

皆封公主平原公主明月南陽王寶炬之

同產也從帝入關丞相泰使元氏諸王取明月殺之帝

不悅或時彎弓或時椎案由是復與泰有隙

椎直追翻復扶又翻

癸巳帝飲酒遇酖而殂

年二十五年

泰與羣臣議所立多舉廣

平王贊贊孝武之兄子也侍中濮陽王順於別室垂涕

謂泰曰高歡逼逐先帝立幼主以專權明公宜反其所

爲廣平冲幼不如立長君而奉之泰乃奉太宰南陽王

寶炬而立之

寶炬孝文帝之孫京兆王愉之子長知兩翻

順素之曾孫也

按魏

宗室名順者前後凡三人道武伐中山順欲於平城自立此時猶以拓拔爲姓又任城王澄之子順叱高肇門者指元义妻諫靈后粧飾斥徐紇以抗直著後聞河陰之難奔走而死此元順則常山王素之孫二人皆已改

姓元氏

殯孝武帝於草堂佛寺諫議大夫宋球慟哭嘔血

漿粒不入口者數日泰以其名儒不之罪也 魏賀拔

勝之在荊州也表武衛將軍獨孤信爲大都督東魏既

取荊州魏以信爲都督三荊州諸軍事尚書右僕射東

南道行臺大都督荊州刺史以招懷之蠻酋樊五能攻

破淅陽郡以應魏首慈尤翻 考異曰北史作樊大能今從魏書東魏西荊州

刺史辛纂欲討之據隋紀辛纂時鎮穰城則西荊州即荊州以穰城在東荊州之西故云

行臺郎中李廣諫曰淅陽四面無民唯一城之地山路

深險表裏羣蠻今少遣兵則不能制賊少詩多遣則根

本虛弱脫不如意大挫威名人情一去州城難保纂曰

豈可縱賊不討廣曰今所憂在心腹何暇治疥癬

治直之翻

聞臺軍不久應至

臺軍謂東魏所遣軍也

公但約勒屬城使完壘

撫民以討之雖失淝陽不足惜也纂不從遣兵攻之兵

敗諸將因亡不返城民密召獨孤信信至武陶

武陶疑當作武

關

東魏遣恒農太守田八能

恒農即弘農後魏避顯祖諱改弘曰恒戶登翻

帥

羣蠻拒信於淝陽

帥讀曰率

又遣都督張齊民以步騎三千

出信之後信謂其衆曰今士卒不滿千人首尾受敵

謂田

八能拒其前張齊民出其後也

若還擊齊民則土民必謂我退走

土民謂浙

陽之

必爭來邀我不如進擊八能破之齊民自潰矣遂

擊破八能乘勝襲穰城辛纂勒兵出戰大敗還趣城門

未及隘

戰敗奔還門者惶遽未及下關也趣七喻翻

信令都督武川楊忠爲

前驅

楊忠隋文帝之父也隋氏自以爲出於華陰楊震而忠則世居武川隋氏序其世曰本弘農華陰之

楊漢太尉震十四世至文帝震八世孫北平太守鉉鉉子元壽魏初爲武川鎮司馬因家於神武樹頽縣元壽

生惠嘏嘏生烈烈生禎禎生忠

忠叱門者曰大軍已至城中有應爾等

求生何不避走門者皆散忠帥衆入城斬纂以徇城中

懾服

懾之涉翻

信分兵定三荆居半歲東魏高敖曹侯景將

兵奄至城下信兵少不敵與楊忠皆來奔

爲賀拔勝與信忠還魏張

本將即亮翻

少詩治翻

資治通鑑卷一百五十六